

雪潭居醫約

三衢徐世蔭較正 三山陳

澈編輯

風門

中風 類中 傷風 痛風 風熱 風寒

夫風為天地之陽氣。其性動而不靜。其中人莫測。其為病多端。故風為百病之長也。然有治而多誤者。在不明其南北之異。中風類中之別。表裏虛實之宜也。所謂北方者。風氣剛烈。真氣空虛之人。為風邪所中。卒然仆倒。身熱頭痛。不省人事。口眼歪邪。是八方之風所中。夫八風自外而入。故先有外証。不用大小續命等湯。急解散風邪。而風邪何

繇得散。此乃先散風邪。而後調養血氣者是也。若夫絕無外証。而忽病如風者。此風本五臟而生。非比外感。八風之邪。有餘之症也。然既非外感。而經曰諸暴強直。皆屬於風。諸風掉眩。皆屬於肝何也。蓋肝乃東方木之藏。其藏血。其主風。血病則無以養筋。筋病則掉眩強直之類。諸變百出。此皆肝木之化。故云皆屬於風。所謂其屬者。以五氣各有所主。如諸濕腫滿。皆屬於脾之類。其義同也。抑有外感所中者。謂之真中風也。無風所中者。謂之類中者。故王道安有真中類中之辨。夫所謂類中者。北方地氣高厚。人秉亦壯。間或有之。而南方風氣和煖。絕無剛猛之風。而多濕熱

之氣質。多柔脆。類中風者。十居八九。其証亦卒然昏憤。不知人事。語言寒澀。痰涎壅盛。此雖類中風。而非中風也。不因痰熱所致。即是陰虛所發也。血氣既虛。不用大補血氣等藥。其虛何自而復。此乃急補血氣。而釋風邪者是也。夫類中雖無外感。亦有夾痰夾氣之別。此非比純虛之病。乃不足中有餘之証也。又不可槩用補法。故東垣有中風非獨外來風邪。乃本氣自病之說。丹溪有痰濕生熱。濕熱生風之論。後世不明此義。不惟以類中風槩認為真中風。而且以內奪暴厥等証。俱誤認為風。良可嘆也。夫外感者。邪襲肌表。陽實之証是也。內傷者。血氣空虛。陰火內燦之証

是也。故脉經有虛虛實實之警。夫所謂虛者，人知陰虛惟一而不知陰虛有二。如陰中之水虛，則病在精血；陰中之火虛，則病在神氣。蓋陽衰則氣去，故神志為之昏亂；非火虛乎？陰虧則形壞，故肢體為之廢弛；非水虛乎？今以神離形壞之證，乃不求水火之源，而猶以風治，鮮不危矣。試以天道言之，其象亦然。凡旱則多燥，燥則多風，是風木之化從乎燥，燥即陰虛之候也。故凡治類風者，專宜培補真陰以救根本，使陰氣復，則風燥自除矣。然外感者，非曰絕無虛証，氣虛則虛也。內傷者，非曰必無實証，有滯則實也。治虛者，當察其在陰在陽，而直補之。治實者，仍察其因痰因

氣而漸開之。此於內傷外感，虛實攻補之間，辨其有無微甚，而酌其治也。甚至有元氣素虧，猝然仆倒，上無痰，下失禁，瞑目昏沉，此厥竭之証，尤與風邪無涉。使非大劑參朮，極力挽回，安望其復真氣於將絕之頃哉？他如傷風痛風，風熱風寒，其治種種不同。若不察其虛實，但以風之為病，當用風藥，不知風藥皆燥散之物，燥則傷血，散則傷氣。以內傷作外感，以不足為有餘，是促人以死也。班氏云：「不服藥為中醫者，正為此輩而發耳。」

諸風約脉

風邪中臟，脉多沉伏。風邪中腑，脉多浮洪。風挾寒，則脉遲。

風挾暑則脉虛。風挾痰則脉滑。風挾火則脉洪。中風脉浮而弦。傷風脉浮而緩。風熱脉浮而數。風寒脉浮而緊。

諸風約治

一 中風初起。昏倒不知人事。牙關緊急。涎潮壅塞。口眼喎斜。半身不遂。精神恍惚。倉卒之際。急以手大指。掐刻人中。即省。或急令人將病者。兩手兩足。從上而下。頻頻趕出風邪。則四肢痰氣即散。免致攻心。

一 中風痰涎壅盛。口眼喎斜。不能言語者。法當用吐。宜獨聖散吐之。或口噤不開。用藜蘆末少許。加麝香灌鼻內。即吐也。一吐不已。再吐之。如氣血虛。不可用吐法。

一 類中因氣虛卒倒。當用參芪四君子補理元氣。挾痰以前藥中加竹瀝薑汁。血虛用四物湯調補榮血。有痰四物湯以薑汁炒過。仍加竹瀝薑汁。

一 中風後左癱右瘓者。因氣血虛而痰火流注也。血虛則痰火流注於左。而為左癱。宜四物湯加白芥子竹瀝薑汁。兼有死血。加桃仁紅花。氣虛則痰火流注於右。而為右瘓。宜四君子湯合二陳湯。加白芥子竹瀝薑汁。或用荆瀝尤妙。

一 中風飲食坐卧如常。但失音不語。俗呼為啞風。小續命去附子。加石菖蒲一錢。或訶子清音湯亦可。

一。中氣亦似中風。但風中多痰涎。氣中口中無涎。又風中身溫。氣中身冷。風中脉浮洪。氣中脉沉瀯。此七情內傷。氣逆為病。治當順氣。用烏藥順氣散。八味順氣散。或藿香正氣散亦可。

一。中風頭痛如破。語言寒澀。小續命湯加羌活。

一。中風面目十指俱麻。乃氣虛也。宜補中益氣湯。加木香。附子。羌活。防風。烏藥。

一。中風滿身刺痛。宜四物湯。加荆芥。防風。蔓荊子。蟬退。麥門冬。天門冬。

諸風約方

通關散

治中風不語不省人事。牙關緊急。湯水不及。

天南星

五錢

半夏

五錢

牙皂

五錢

麝香

五分

共為細末。每用少許。吹鼻。有嚏。可治。無嚏。不可治。此方係是吹鼻通關之劑。

化風丹 治一切中風。痰厥。風癇。牙關緊急。不省人事。及

小兒驚風。搐搦。角弓反張。發熱。痰嗽。喘促。並治。

天南星

二錢

天麻

防風

羌活

獨活

荆芥穗

人參

細辛

川芎

各一錢

共為末。蜜和丸。如芡實。大硃砂為衣。薄荷湯研化服。奪命散 治卒暴中風。痰氣閉塞。牙關緊急。眼目上視。

南星 五錢 葶藶 五錢 白芷 五錢 半夏 五錢 巴豆 三錢

共為細末每服半錢用生薑自然汁一呷調下牙關緊急湯水灌不下者此藥輒能治之蓋風痰頑結者宜用此猛烈之劑也虛人不宜

獨聖散 治中風痰迷心竅癲狂煩亂人事昏沉痰壅盛

及五癩心風等證

甜瓜蒂 不拘多少為末每服五分重者一錢熟水調

下即吐如不吐須再進一服倘吐不止以白湯止之或

芎湯亦妙或麝香少許研水飲之即解

小續命湯 治卒暴中風不省人事半身不遂口眼喎斜

手足戰掉。語言蹇澀。肢體麻痺。神情昏亂。頭目眩暈。痰

涎壅盛。筋脉拘攣。及脚氣緩弱。不能動履屈伸。

麻黃 杏仁 官桂 芍藥 川芎 防已 黃芩

人參 甘草 以上俱一錢四分 防風 一錢 附子 七分

每一劑用生薑五片水二鍾煎一鍾去渣通口服

訶子清音湯 治諸風失音不語

桔梗 一兩半 訶子 四十九個 甘草 二錢半 右為細末

每服七錢用煎熟童便一大碗調服甚者三四服自効

烏藥順氣散 治男婦一切風氣攻注四肢骨節疼痛。遍

身麻痺。手足癱瘓。語言蹇澀。筋脉拘攣。

麻黃 陳皮 烏藥 各一錢 川芎 白芷

僵蠶 枳壳 桔梗 各一錢 乾姜 炮五分 甘草 炙三分

右剉一劑生姜棗煎服

大秦朮湯 治中風外無六經之形證。內無便溺之阻隔。知血弱無以滋息於筋。故手足不能運動。舌強不能言語。宜養血而筋自榮。

秦朮 一錢 甘草 炙一錢 當歸 一錢 白芍 一錢 川芎 一錢

細辛 三分 羌活 防風 黃芩 各五分 石膏 一錢

白芷 五分 白朮 五分 獨活 一錢 茯苓 一錢 生地黃 五分

熟地黃 五分

右剉一劑生姜三片水二鍾煎八分不拘服或加竹瀝

姜汁同服如心下痞滿加枳實一錢能消脘中之虛痞

清心牛黃散 治中風舌強不能言語

青黛 二錢 硼砂 二錢 冰片 三分 牛黃 三分 薄荷 二錢

右為末先以蜜水洗舌上後以姜擦之將藥和蜜調稀

搽舌根上

加味轉舌丹 治中風瘖瘓舌塞不語清火除風神効

連翹 一兩 梔子 炒五錢 桔梗 五錢 玄明粉 五錢 薄荷葉 五錢

黃芩 酒炒五錢 防風 五錢 川芎 三錢 石菖蒲 五錢 炙甘草 五錢

犀角 三錢 柿霜 一兩 大黃 酒浸炒五錢 遠志 甘草水泡

右為末煉蜜為丸如彈子大硃砂五錢為衣每用一九
細嚼薄荷湯下食後臨卧服
八味順氣散 治中氣類中風服此藥以順其氣或夾風

隨症加減

白朮 二錢 茯苓 二錢 青皮 一錢 白芷 一錢 陳皮 一錢

烏藥 二錢 人參 二錢 甘草 八分

右研細末每服二錢百沸湯調下以氣平為度或加木

香南星以甦痰氣或痰盛加半夏二錢淡姜湯調下

竹瀝枳朮丸 治脾胃虛弱挾痰挾火者最妙

枳實 一兩 白朮 二兩 南星 一兩 茯苓 一兩 半夏 一兩
用南星製一兩

黃芩 一兩 黃連 五錢 蒼朮 一兩 白芥子 一兩

陳皮 一兩 當歸 五錢 山查 一兩

右為末以神麴六兩生薑汁一盞竹瀝一碗煮糊一碗

為丸如梧桐子大淡姜湯食遠每服三錢

加減補陰湯 治類中陰血枯竭忽然仆倒痰涎壅盛似

中風者服此劑至痰退血活乃止

生地 二錢 胆星 一錢 白芍 一錢 當歸 二錢 橘紅 八分

貝母 一錢 天冬 一錢 茯苓 一錢 黃芩 一錢 川芎 六分

秦艽 二錢 遠志 八分 甘草 四分 右水二鍾煎一鍾服

加減八珍湯 治類中風血氣俱虛上無痰壅下無失禁

瞑目昏沉厥竭之證

人參五分 黃芪二錢 白朮一錢 茯苓一錢 地黃二錢

川芎一錢 當歸五分 白芍五分

水二大鍾煎一鍾空心服或血虛於氣倍四物湯氣虛

于血倍四君子或夾痰加桔紅貝母胆星白芥各八分

或夾熱加黃芩麥門冬天花粉炒梔子各一錢

加減六君子湯 治類中風脾氣虛弱飲食生痰忽病似

中風者

白朮一錢 茯苓一錢 半夏一錢 陳皮八分 人參一錢

甘草六分 白芥八分 木香三分

水二鍾姜二片煎九分食遠服或脾胃濕熱生痰加川

連黃芩各一錢或積滯加砂仁厚朴各八分

加減補中益氣湯見內傷

和肝清肺湯 治類中肝火刑肺喘急痰壅兩脇疼痛目

紅面腫等證

貝母五分 沙參五分 茯苓二錢 天冬二錢 生地黃二錢

芍藥二錢 黃芩五分 柴胡一錢 甘草八分 天花粉一錢

玄參五分 川芎八分 胆星一錢

水二大鍾姜二片煎一鍾溫服渣再煎痰喘止為度

加減八味丸 治類中精血枯竭骨蒸潮熱手足痿痺精

神困倦諸症

地黃四兩酒蒸熟 山藥三兩微炒 石棗三兩酒洗 澤瀉一兩酒炒 丹皮二兩酒洗

牛膝一兩酒洗 茯苓二兩乳拌 枸杞二兩酒洗 石斛二兩錢酒洗 麥冬二兩酒炒

各製為末煉蜜為丸如梧子大每服百丸淡鹽湯送下

加減滋陰丸 治類中陰血大虛變為痿症

地黃四兩酒蒸熟 龜板二兩油炙 黃柏二兩酒炒 當歸二兩錢酒洗

川芎一兩錢微炒 知母二兩酒炒 白芍二兩炒 茯苓一兩錢

各製為末煉蜜為丸梧子大每服百丸空心淡鹽湯下

羌活愈風湯 治一切傷風頭痛發熱汗出惡風四肢拘

急骨節疼痛

羌活一錢 細辛五分 白芷八分 半夏一錢 防風八分

川芎八分 陳皮三分 甘草三分 桂枝四分 獨活八分

水二鍾煎一鍾加姜三片不拘服

加減十神湯 治一切傷風發熱風痰壅上頭痛惡

風咳嗽氣喘

紫蘇一錢 白芷八分 香附八分 陳皮六分 半夏八分

川芎八分 麻黃七分 桔梗五分 甘草三分

右判一劑姜二片水二鍾煎一鍾不拘服

加減補中湯 治內傷夾外感發熱頭痛惡風出汗精神

困倦服十神湯不効者

紫蘇八分當歸六分柴胡四分白朮五分升麻三分
 陳皮五分甘草四分防風五分人參四分白芷五分
 右剉姜三片棗一枚水二鍾煎九分服
 參蘇飲 治虛人感冒發熱傷風咳嗽嘔吐痰涎胞膈不
 快
 紫蘇一錢前胡一錢陳皮五錢半夏一錢乾葛八分
 茯苓八分枳殼一錢桔梗八分甘草三分人參八分
 右姜二片水一鍾半煎八分不拘服此劑乃治服發散
 藥風邪不解為其人元氣虛弱不能送藥氣通達肌表
 故風邪不去以人參扶元氣助藥發散風邪也

南星蒼朮丸

治上中下疼痛風濕痛風

南星 姜製 蒼朮 泔浸 黃柏 二兩 炒 各 川芎 一兩 白芷 五錢

神麴 兩 炒 一 桃仁 五錢 威靈仙 三兩 酒拌 羌活 三錢 走 防風 五錢

桂枝 三錢 行 紅花 酒洗 龍胆草 五錢 下行 黃柏 二兩 炒 黑 各 山藥

右為末 麴糊丸 梧子大 每服百丸 空心白湯下

益元酒糊丸 張子元 血氣虛有痰白濁陰火痛風

人參 一兩 白朮 熟芩 黃柏 二兩 炒 黑 各 山藥

海石 南星 各一 龜板 二兩 酒炙 瑣陽 五錢 乾姜 燒灰五錢 取其不走

右為末 粥丸 一云酒糊丸

臂痛湯 治兩臂疼痛不可忍者

蒼朮

一分半

半夏

南星

白朮

黃芩

酒炒

香附

各一錢

陳皮

茯苓

各五分

甘草

三分

威靈仙

三錢

別本

加羌活

一錢

右作

一服

入

生

姜

二

三

片

二妙散

治

筋骨

疼痛

兩

足

痿

痺

因

氣

加

補血

藥

痛

甚

者

加

生

姜

汁

熱

辣

黃柏

炒

蒼朮

米泔浸炒

二

味

為

末

沸

湯

入

二物

氣

皆

雄

壯

表

實

氣

實

者

加

熱

者

先

以

舟

車

丸

或

導

水

丸

服

更

妙

趁痛散

治

久

年

風

濕

流

注

經

絡

疼

乳香

沒藥

桃仁

紅花

當歸

香附

童便浸炒

地龍

酒炒

牛膝

酒浸

羌活

甘草

五

靈

脂

酒淘

各三錢

或加

酒

炒

酒

栢

各三錢

右

為

末

酒

調

乳香丸

治

久

年

風

氣

疼

痛

白附子

炮

南星

白芷

沒藥

荊芥

骨

碎

補

去毛

赤小豆

藿香

去土

乳香

各一兩

五

靈

脂

川

烏

泡去皮

糯米

炒各二兩

草烏

炮去

京

墨

煨各五兩

松

脂

五錢

右為

末

酒

糊

丸

桐

子

大

每

服

十

茶

亦

得

不

拘

時

忌

熱

物

虎骨散

和

劑

治

風

毒

邪

氣

乘

虛

攻

六

經

絡

之

間

痛

無

常

處

六

經

畫靜夜甚筋脉拘攣不得屈伸

蒼耳子三微炒五加皮一兩沒藥三兩當歸三兩骨碎補三兩

虎脛骨三兩天麻一兩防風一兩自然銅三兩肉桂三兩

敗龜板二兩騏驎一兩錫一兩白芷一兩赤芍一兩白附子一兩

檳榔一兩羌活一兩蘆牛膝二兩木瓜二兩乳香二兩穿山甲一兩

右為末入研藥令勻每服一錢温酒調下不拘服

天麻散秘方治風濕疼痛黃腫

天麻各四全蝎各四地黃各二木瓜各二乳香各二穿山甲各二

沒藥各二牛膝各二川芎各二烏頭各二當歸各三

右為末每服三錢空心温酒調服

通氣防風湯按粹肩背痛不可回顧者乃太陽氣鬱而不

行以風藥散之脊痛項強腰似折項似拔者此足太陽

經受病也

羌活各一獨活各一藁本各一防風各一甘草各五川芎各五

荆芥各三水煎服

蒼朮復煎散按粹治寒濕相合腦痛惡寒煩悶脊骨痺眼

痛膝臏痛脉沉洪等症

蒼朮四兩水二碗煎至一碗去渣羌活升麻一方無

澤瀉八兩柴胡二兩藁本再煎白朮一兩温服羌活升麻一方無

右為末先煎蒼朮三分之一後下眾藥同煎切忌酒麩

加減當歸飲子 聖惠 治暑天熱鬱經絡肩背忽發疼痛

防風 當歸 柴胡 各一兩 芍藥 一兩 生地黃 一兩 五錢

黃連 五錢 黃芩 人參 各一兩 甘草 五錢 滑石 六兩 大黃 五錢

右以咀每服五錢水二盞煎一盞去渣食後通口服

舒經湯 治臂痛不能舉有人常病左臂或以為飲或以

為風為濕諸藥悉投總以針艾俱不効得此方而愈蓋

是氣血凝滯經絡不行所致非風非飲非濕腰以下食

前服腰以上食後服一名通氣飲子

片子薑黃 四兩無則用 甘草 炙 羌活 各一兩 海桐皮 皮去外

當歸 白芍 各二兩

右以咀每服三錢水一盞半生姜三片磨沉香許煎

至一盞去渣通口服

蟬退散 治飲酒後遍身皮膚癢痒爬至血出而又痛

蟬退 去頭足一兩 薄荷 一兩 右為末每服二錢食後湯

調下一方用消風散一兩蟬退一兩和合茶調服

祛風至寶丹 治諸風熱等証

防風 五錢 獨活 一兩 全蝎 五錢 天麻 一兩 荆芥穗 一兩

細辛 五錢 石膏 一兩 連翹 五錢 黃芩 一兩 熟地黃 一兩

梔子 一兩 薄荷 五錢 當歸 二兩 川芎 一兩 白芍藥 一兩

人參 一兩 白朮 三錢 桔梗 一兩 黃柏 五錢 川黃連 五錢

滑石 三兩 麻黃 大黃 芒硝 各五錢 甘草 二兩

右為末煉蜜為丸如彈子大硃砂二兩為衣每一丸細嚼茶清任下臨卧服有熱去人參白朮川芎加苦參茶鹽梅薄荷湯下疼痛甚倍加苦參

防風通聖散 治一切風熱大便閉結小便赤澀頭面生

瘡眼目赤痛或熱極生風舌強口噤或鼻生紫赤風利

癰疹而為肺風或成風厲而世呼為大風或腸風而為

痔漏或腸鬱而為諸熱語妄驚狂並効

防風 川芎 當歸 白芍 大黃 芒硝 連翹

薄荷 石膏 桔梗 黃芩 白朮 荆芥 梔子

滑石 四分 甘草 錢一分 麻黃 二分 不去節

右剉一劑生姜三片水煎服

加減防風湯 治夏天冒風頭痛惡風發熱咳嗽喉痛煩

燥者此劑乃清上焦之良劑也

柴胡 八分 黃芩 八分 防風 八分 薄荷 八分 甘草 五分

桔梗 六分 荆芥 七分 連翹 六分 花粉 八分

右剉一劑水二鍾煎九分服如痰嗽盛加貝母杏仁各

一錢若夾暑舌紅大渴加黃連香薷各一錢如喉痛面

腫或發癰加玄參知母各一錢

加減金花丸 治一切風熱鬱熱發黃諸症

黃連一兩 鬱金一兩 花粉一兩 黃芩一兩 粉草六錢
水跌成丸每服二錢百沸湯不時送下
知柏四物湯見火門

三黃連翹飲 治風熱上攻頭面遍身發腫發熱

黃連一錢 黃柏一錢 黃芩一錢 防風六分 連翹八分

薄荷六分 苦參一錢 粉草五分 木通六分

水二鍾煎九分不時溫服

消風散 治諸風上攻頭目眩昏項背拘急鼻嚏聲重耳
作蟬鳴及皮膚頑麻癢痒癰疹婦人血風頭痛腫痒並
皆治之

防風 荆芥 川芎 茯苓 人參 藿香 甘草

羌活 兩 蟬退 僵蚕 陳皮 厚朴 各五錢 右為末每服

三錢頭痛鼻流清涕茶清送下 遍身瘡癩酒送下

加減羌活冲和湯 治冬天冒風頭痛惡寒發熱無汗脊

強脉緊此藥乃治太陽經風寒之聖劑也

羌活 一錢 防風 一錢 蒼朮 一錢 川芎 一錢 白芷 一錢

細辛 六分 甘草 六分

右剉姜三片水二鍾煎一鍾服如胞隔飽脹嘔吐惡心

加藿香厚朴各一錢如兼傷生冷嘔吐泄瀉四肢冷痺

加乾姜砂仁各一錢或咳嗽痰盛加紫蘇陳皮半夏各

一錢如春夏秋感冒遍身骨節疼痛仍加生地黄各
一錢名為九味羌活湯

桂枝麻黃湯 麻黃桔梗湯 理中湯 俱見傷寒

加味香蘇散 治冬天感冒風寒頭痛發熱惡寒咳嗽氣

喘時吐痰涎

紫蘇一錢 桔梗五分 白芷一錢 香附八分 乾姜一錢

陳皮六分 半夏一錢 藿香八分 厚朴八分 甘草三分

右剉一劑 姜三片煎服

十全大補湯 治血氣俱虛見內 加減八珍湯 方見類中

人參附子理中湯 見傷寒

桂附八味湯 治暴厥神昏不省手足厥冷

當歸二錢 黃芪二錢 白朮一錢 熟地黃二錢 熟附子一錢

茯苓一錢 肉桂六分 甘草四分

水二鍾煎一鍾 溫服手足溫煖為度

參芪附子回陽湯 治暴厥忽然仆倒脉脫厥逆

人參一兩 黃芪一兩 當歸五錢 附子一兩 粉草二錢

水三鍾煎鍾半服 至脉回為度

經驗醫按

一人六十歲患風症。半身不遂。言語寒澁。精神昏憤。煩躁
自汗。口不知味。鼻不聞香。耳聞木音。則驚怖。小便頻數。大

便燥結。一醫用大黃之類微下之。則飲食遂減。復用白朮之類理脾。則心腹飽悶。晝夜不得瞑。如此若有三月餘。百藥無効。忽一日又冒風寒。遂加痰嗽昏眊。不省人事。召余診視。余思內經云。風寒傷形。憂怒傷氣。又傷臟。乃病。臟病形乃應。此不獨風邪陷入臟腑。其臟腑之氣亦因之而病。故諸症互相出見。論治必求其本。所謂求本者。升陽補益中氣。平瀉客邪是也。宜以加減補中湯主之。用黃芪五錢。柴胡升麻各三錢。當歸甘草各二錢。黃柏白芍各五分。陳皮人參半夏各三分。服三劑。人事已省。痰壅已減。但晝夜不睡。心中煩躁。眼有紅絲。余復診其脈。見二寸脈洪數。謂

其病者曰。此心火內動。上乘陽分。乃胃氣不得交於至陰。須以硃砂安神丸和養之。用麥門冬二錢。玄參三錢。生地五錢。黃連三錢。天門冬三錢。茯神棗仁各三錢。遠志一錢五分。為末。蜜丸。金箔硃砂為衣。每次一丸。燈心湯化服。連服五日。後得睡三日不醒。惟呼吸有聲。病人之兄曰。不得睡三月有餘。今困睡不已。莫非又生他病否。余曰。不然。衛氣者。晝行陽二十五度。夜行陰二十五度。此衛氣交入陰分。循其天度。故得安睡。何他病之有。十日後果精神復舊。惟眼白睛紅絲。隱澁難開。外以當歸連翹湯洗之。用當歸甘草各三分。黃柏連翹各五錢。煎湯時。又溫洗。目疾雖愈。

其半身不遂。尚未能搖動。言語塞澁。或早晨快利。午後復澁。余復以清肺飲子。補肺氣。養脾胃。滋心血。用白芍藥人參麥門冬茯苓神各五分。柴胡黃芩各四分。玄參黃柏生甘草各三分。栝子仁天門冬各五分。橘紅三分。服至一月。語言便利。後用補中益氣湯。加黃栝麥門各五分。計服百餘貼。手足舉動如常。此即東垣所言本氣自病。非外風邪所中者是也。

本府管三尊為代覲勞苦。抵省半月。忽一日口眼歪斜。語言塞澁。口噤不言。四肢不舉。痰涎壅盛。昏眊不省人事。一醫用續命湯合防風通聖。欲發其汗。一醫用吐法。欲吐其

痰。紛紛議論。主治不一。余診其脈。見左寸關脈弦急。右寸關脈洪數。復觀其色。絕無外症。謂其長君曰。此非外來風邪。乃勞極傷神。肝血虧損。飲食不時。致傷脾胃。故變此症。其汗吐之法。施于壯實真中風者則可。因虛勞所致。則不宜也。用加減補陰湯。加竹瀝姜汁等十劑。痰涎便覺漸退。人事漸省。語言稍利。但四肢尚不能舉動。余因往福唐別幹。另召一醫診視。謂此症脈至浮弦。是必繇外邪而起。盡棄前方。以南星半夏殭蠶天麻辛燥劫痰等藥。僅進三劑。諸症復作。較前尤甚。其長君窘皇無措。特往福唐。召余歸診。余見其脈六部細數。夫前脈弦急洪數者。夾痰夾火之

脉也。今脉細數者。因辛燥之藥。走其真氣。燥其陰血。乃虛極之脈也。主用八珍湯。倍參芪。以回真氣。少佐黃芩黃柏。麥門冬。以救真陰。服計半月。痰涎清降。語言便利。肢體亦能舉動。惟兩足痿軟。拜跪不便。欲求速愈之方。余答曰。若外來風邪。則可以計日計月而愈。此藏氣自病。須半載調攝乃可。其長君遂勸請告歸楚。并求定丸藥方。余即將前所服八珍藥大劑為丸與之。離省未踰月餘。書至謝余曰。精神今已復元。手足亦得便利。嗟嗟。今之醫師。惟知有風碍于補。有痰利于行。豈知風亦有從虛而生。痰亦有從虛而致者乎。

泉州府劉太尊。素有風疾。因試事過勞。痰涎喘急。語言蹇澁。精神昏倦。小腹脹滿。兩足痿痺。差人抵省。召余未至。本地一醫謂此症內傷飲食。外冒風寒。用防風湯合平胃散。香砂等劑。僅進五劑。前症愈劇。加口乾煩燥。夜睡不安。余至診脈。見左右俱數。叩其外症。兩脇疼痛。目紅面腫。夫兩脇乃肝之分野。目亦肝之官竅。今兩脇疼痛。係肝火有餘。刑燥肺金。以致諸症變見。遂用和肝清肺湯十劑。痰喘即平。精神爽慧。兩脇痛止。但小腹脹滿未消。兩足痿痺未減。余診其脉。肝肺俱平。惟脾胃沈滯。繼用加減六君子湯。倍參苓。計服一月而愈。此類中之淺。因藥而深者也。

戊寅芝山寺施醫。一僧忽中風。半身不遂。精神昏憤。面紅
頰赤。耳聾鼻塞。語言不出。診其六脉弦數。余思肘方云。中
臟者多滯九竅。中府者多着四肢。此僧耳聾鼻塞。精神昏
憤。是中臟也。半身不遂。是中府也。此歲府表裏俱受病。先
用滾痰丸五服。行其壅滯。使清氣得以上升。繼服四物湯
合二陳竹瀝姜汁。養其榮血。清其痰熱。使九竅得利。服十
劑。聲音漸出。語言稍利。後用至寶丹加減與之。計二月大
病皆去。後戒之節勞役。慎飲食。今精神日長。步履如舊。此
乃顛中之實症也。

寒門

傷寒

中寒

寒熱

溫熱

夫寒為天地之陰氣。其性凜冽而不動。其中人甚速。其為
病亦莫測。故寒是為百病之總也。在古人垂訓之多。何止
百家千卷。其中立法之妙。無出仲景用藥之善。須遜節菴。
凡於曲折精微。靡不詳盡。余復何言。然猶有不能已者。在
苦於條目之浩繁。而後學求之不易也。故陶氏曰。傷寒治
法。得其綱領。即如拾芥。若求之多歧。支離破碎。如涉海問
津矣。蓋在其脉證與理考詳焉。求其所謂綱領者。搃其樞
要。切於時用是也。所謂多歧者。簡遍方書。無方可用是也。

所謂脈證者。表裏陰陽。寒熱虛實是也。所謂理之一字。乃見之真。法之要是也。得其理則治無所失矣。是以法必貴詳。用當知約。詳而不約。徒詳何益。故余約言之曰。寒有傷寒。中寒。寒熱。溫熱。不同。治有汗吐下。溫裏清補之異也。夫傷寒因天氣嚴寒。陰厲之氣甚。所感之病。皆為外感。則可表散也。或當時而發者。或過時而發者。發必大熱。頭痛。脊強。脈大。或浮緊。煩躁不寧。此寒邪循經而入。以漸而深。或內有鬱熱。因寒邪外束。若不汗。寒邪從何而解。然表亦有三法。曰溫散。曰涼解。曰平解。溫散者。如寒邪勝時。陽氣閉塞。表不易解。雖自有大熱。亦必用辛溫。勿以寒涼為佐。此

即寒無犯寒之謂也。涼解者。如炎熱熾盛。表裏枯涸。則陰氣不營。亦不能汗。宜用辛涼。勿以溫熱為佐。此即熱無犯熱之謂也。若病在陰陽之間。既不可溫。又不可涼。則但宜平解。此即血氣和而汗自出之謂也。故解散利於外感。溫裏宜于中寒。夫中寒。皆人脈虛。裏薄。倉卒感受。病發甚暴。寒邪不循經而入。無熱可發。即臍腹疼痛。手足厥冷。身體拘急。唇青聲失。此寒邪直入陰經。不急溫裏。而寒邪何自而除。然有客邪者。自外而入。溫中兼辛散是也。氣為陽。元氣不足。寒生於中者。寒從裏生。溫中兼補理是也。直中陰寒。不盡繇房事而得。苟必拘於房事。然後用參附溫裏等

劑。豈不自取遲救之誤乎。所謂下者。攻其內實之症也。夫寒邪從陽經傳入。舌胎煩躁。狂亂譫語。肚腹熱脹。脈實便閉。若不下。熱邪內結。從何而去。然表邪未盡。陽微脈弱。非有大滿。燥熱堅結。或有熱無結。又當用清解裏熱。若誤下。則禍不旋踵。即大便結燥。亦有陰虛。血不能潤成結者。若緊認為裏實。執定承氣諸湯。而攻伐無過。安得不致人夭枉乎。夫吐有發散之意。可去胃中之實。可舉陷下之氣。若無實邪在上。胃氣本虛之人。用之不可。所用既少。其法亦不詳例。故舍吐之外。而切於用者。惟汗之。下之。溫之。清之。補之。五法而已。然不知此五法者。則不知治傷寒之綱領。

矣。陶節菴曰。風寒之中。人無常。或入於陰。或入於陽。皆無定體。非但始太陽。終厥陰也。或有初入太陽。不作鬱熱。便入少陰。而成真陰証者。或有直中陰經。而成寒證者。或太陽傳陽明。巡經者。太陽傳少陽。越經者。或太陽終始不傳者。或傳一二經而止者。或太陽傳少陰。為表裏。或有太陽陽明合病者。亦有三陽與三陰合病。而為兩感者。此皆經文所未發。其義多出於仲景。經所言者。傳經之常。仲景所言者。傳經之變。學者俱當詳察。不可執一。斯無詿誤矣。

諸寒約脈

寒邪感臟。脈多沉緊。寒邪感腑。脈多浮緊。寒中少陰腎經。

則脉沉而緊。寒中太陰脾經。則脉緩而遲。寒中厥陰肝經。則脉弦而濡。寒傷於太陽膀胱經。則脉浮而緊。寒傷於少陽胆經。則脉弦而急。寒傷於陽明胃經。則脉長而浮。中寒脉沉緊而欲絕。傷寒脉浮緊而有力。外寒內熱者。則脉浮虛而數。外熱內寒者。則脉浮大而濡。更太陽脉雖浮洪。浮緊按之不數者。多不傳經。若煩躁脉數而急者。將欲傳經也。有二陽合病。表裏陰陽俱病者。例在治方。

諸寒約治

太陽陽明少陽。皆屬陽症也。太陽者膀胱也。發熱惡寒。頭疼腰痛。而脉浮也。陽明者胃也。不惡寒。反惡熱。濇濇汗出。

大便秘。潮熱而脉長也。少陽者胆也。口苦咽乾。脇下滿。發熱而吐。或往來寒熱。而脉弦也。麻黃湯。大青龍湯。桂枝湯。治太陽傷風寒也。大柴胡湯。調胃承氣。大小承氣湯。石膏等湯。治陽明傷寒也。小柴胡湯。治少陽傷寒也。其他藥皆發汗吐下後症也。若陽明獨盛。陰氣暴絕。即為陽毒。必發躁狂走。妄言。面赤咽痛。身斑斑如錦紋。或下利黃赤。脉洪實。或滑促。當以酸苦之藥投之。令陰氣復而大汗解矣。古人云。酸苦涌泄為陰。謂苦參。大青。葶藶。苦酒之類。皆復其陰氣也。太陰少陰厥陰。皆屬陰症也。何謂太陰症。太陰脾之經。主胞膈填脹。何謂少陰症。少陰腎之經。主脉細心煩。

但欲寐。或自利而渴。何謂厥陰症。厥陰肝之經。主消渴。氣上衝心。心中疼熱。飢不欲食。食則吐衄。下之利不止也。三陰中寒微則理中湯。稍厥或中寒下利。即乾姜甘草湯。大段重者用四逆湯。無脈者用通脈四逆湯。若陰氣獨盛。陽氣暴絕。則為陰毒。其症四肢逆冷。臍腹築痛。身如被杖。脈沉實。病或吐或利。當急灸臍下。服以辛熱之藥。令復陽氣。而大汗解矣。古人云。辛甘發散為陽。謂桂枝甘草乾姜附子之類。能復其陽氣也。若熱極發厥。陽症似陰者。若陰極熱燥。陰症似陽者。當以脈辨之。

一傷寒煩渴欲飲水者。因內水將涸。欲得外水自救。即少

與飲之。若禁絕不與。則內水一涸。不能救藥。如強與過飲。則水氣停流心下。變為結胸噎噦。又當戒也。

一傷寒吐衄。雖有大熱。忌用涼藥。蓋胃中有寒。故衄上出。

此大危症。急用理中湯。加烏梅肉花椒各一錢煎服。俟衄定。仍用小柴胡湯。蓋衄酸則靜。見苦則安矣。

一傷寒口吐白沫。或流冷涎。俱是胃中有寒。宜用溫理。如

理中湯。真武湯。附子異功散之類。隨症輕重用之。如犯涼

藥。禍不旋踵。

一傷寒頭痛發熱。口乾鼻出血。腹肚膨脹。午後昏沉。聲啞

耳聾。兩脇疼痛。俗云血汗病也。宜用犀角地黄湯。合小柴

胡湯治之。如血盛加茅根韭汁同煎。俟汗出如雨隨瘥。
一傷寒頭痛身熱惡寒微渴。澼然汗出。身腿酸痛。精神困
倦。其脉空浮無力。名曰勞力感寒。宜補中益氣主之。如發
其汗必亡陽也。

一中寒脫陽危症。或房事後。內腑空虛。感冒寒邪。或食寒
物。或素有脫精元氣虛弱。或吐瀉後。脾胃氣虛。為寒邪所
中。小腹絞痛。外腎搐縮。四肢厥逆。不省人事。冷汗自出。藥
不及進。急用芎白搗爛炒熱熨臍。復用菖汁好老酒各半
鍾溫熱灌下。俟陽氣回。進理中湯。

一中寒三陰經。一時昏不知人。口噤失音。類似中風。若誤

用中風藥必死。宜用理中湯。或脉沉細欲絕。急用菖熨法。
急灸關元氣海。或灸臍中。俟脉回手足溫熱。然後隨虛實
投劑。始不失其次第之法。

一傷寒症。下焦虛寒之極。陽氣不得歸元。脉浮大而空虛。
按之若緊而花上重下輕。面赤唇焦。口乾煩躁。俗呼戴陽
症。似陽非陽症也。可用理中湯煎熟。置水中浸冷服之。此
熱因寒用。如用涼藥必死。

諸寒約方

羌活冲和湯。治春夏秋感寒。頭痛發熱惡寒。無汗脊強。
脉浮緊。此足太陽膀胱經受邪。是表症。宜發散。不與冬

時正傷寒同治。此方非獨治三時暴寒。春可治溫。夏可治熱。秋可治濕。

羌活 二錢 川芎 一錢 防風 一錢 白芷 一錢 蒼朮 一錢

黃芩 一錢 地黃 錢生一 細辛 三分 甘草 三分

右剉一劑 生姜 葱白 水煎 汗出熱服 止汗用溫服 冬去

生地黄 芩

麻黃湯 治足太陽膀胱頭痛發熱惡寒脊強無汗者

麻黃 二錢去節 杏仁 十個去皮尖 桂枝 一錢 甘草 六分

右剉一劑 生姜 三片 葱白 三根 豆豉 一撮 水煎 熱服 出

汗 如果本經感寒深重 一服不得効者 再服 二劑 無汗

加麝香 半分 同藥煎服 立時汗下 如雨

桂枝湯 治太陽傷寒 夾風脈浮 緩頭痛發熱 惡風 當實

表散寒邪

桂枝 二錢五分 芍藥 一錢五分 甘草 一錢 生姜 三片 烏棗 二枚

水煎 溫服 如熱不退 汗不止 加黃芪 一錢 如胸中飽脹

加枳殼 桔梗 各八分

大青龍湯 治太陽病 頭痛發熱 腰疼 骨節疼痛 惡寒 無

汗 胸滿而喘者

麻黃 去節 炮去 沫 三錢 桂枝 一錢去皮 石膏 一錢火煨 甘草 錢炙 一 生姜 片

大棗 二枚 杏仁 七粒去皮尖

水煎温服汗出即止不可過服恐汗多亡陽也

桂枝葛根湯 治傷寒項背強几几無汗惡風寒熱

葛根 二錢 桂枝 一錢 白芍 一錢 麻黃 二錢 甘草 六分

柴胡 一錢 生姜 五片 大棗 三枚

右水二鍾煎一鍾温服取汗為度此治越經傷寒太陽

少陽合病之劑也

大柴胡湯 治足陽明經受邪發熱惡熱口乾大便結燥

脉長面赤

柴胡 三錢 黃芩 半夏 大黃 各一錢 芍藥 一錢 枳實 一錢

右剉一劑生姜二片棗二枚水煎温服

大承氣湯 治陽明胃實狂亂搖頭直視便難譫語潮熱

大黃 五錢 厚朴 一錢 枳實 一錢 芒硝 四錢

水二大鍾煎枳朴至一大鍾入大黃煎至八分去渣入

芒硝再煎二三滾温服以便通為度如未通再服

小承氣湯 治陽明譫語潮熱能食便燥脉滑而疾者

大黃 五錢 厚朴 一錢 枳實 一錢

水二鍾煎一鍾温服以便通為度如未通再服

調胃承氣湯 治陽明潮熱便難煩渴譫語合太陽症蒸

蒸發熱入事昏亂者

大黃 五錢 酒浸 甘草 二錢 芒硝 四錢

水一大鍾煎大黃甘草至七分去渣入芒硝再煎一滾
溫服如目黃狂譫腹痛有畜血者加桃仁三錢桂枝一
錢五分名桃仁承氣湯

抵當湯 治太陽傷寒候溫發狂小腹脹滿小便自利下

血者以其有瘀血在裏故也

水蛭炒去子 蠶虫各十枚炒去足翅 大黃 二兩 桃仁 七枚去皮尖

水一盞煎溫服

凡仲景稱太陽症脉沉者皆謂發熱惡寒頭項強痛而
脉反沉也其症蕪發狂小腹硬者為畜血此條抵當湯
是也

白虎湯 治陽明經口苦舌乾煩渴目痛發狂發譫

石膏 五錢 知母 五錢 甘草 一錢 粳米 一撮

右二鍾煎一鍾溫服虛加入參二錢煩加竹葉二十片

名人參竹葉白虎湯無太陽症加麻黃名麻黃白虎湯

小柴胡湯 治足少陽胆經受邪血氣虛弱寒熱往來胸

中飽滿目眩煩躁欲吐不吐者

柴胡 五錢 黃芩 二錢 人參 一錢 甘草 一錢 半夏 二錢

姜五片棗三枚水煎溫服如不嘔吐去半夏加瓜蒌仁

一錢若渴甚加天花粉三錢仍加半夏腹痛去黃芩加

白芍一錢心下驚悸小便不通加茯苓二錢若支節煩

痛微嘔心下支結加桂枝白芍各二錢此方不獨治傷寒取効凡病在半表半裏者皆宜用之

附子理中湯 治寒中太陰胃脘疼痛腹滿自利口噤失

音四肢強直或脉沉細手足厥冷

人參去芦二錢 白朮土炒三錢 乾薑三錢 甘草炙二錢 附子二錢

姜棗煎温服

增味真武湯

治寒中少陰筋惕肉憊小腹疼痛自利清

水陰燥不寧或表虛亡陽之症並皆治之

白芍藥酒炒三錢 白朮二錢 茯苓二錢 甘草炙一錢

人參二錢 附子二錢 右剉一劑水煎温服

當歸四逆湯

治寒中厥陰小腹連陰疼痛陰囊漸縮手

足厥冷脉弦細欲絕身如反弓

附子三錢 甘草三錢 乾姜三錢 當歸二錢 吳茱萸二錢

右剉一劑水煎温服取少汗乃愈

姜附湯 治體虛中寒昏不知人事身體強直口噤不語

手足厥冷及臍冷痛者霍亂轉筋一切虛寒並治

乾姜五錢 附子去皮尖六錢

右水煎頓服若肢節痛加中桂挾氣攻刺加木香挾風

不仁加防風一錢挾濕加白朮筋脉牽急加木瓜

熨法 治三陰經危險之症藥進不及先用此法

芍藥細切一斤 麥麩二升 鹽一升

用水和勻作二次炒極熟用重絹包之無熱熨臍如冷更易一包再熨或脉未回手足未煖再用芍白麥麩日夜熨之俟脉回手足煖方止

麻黃附子湯 治寒中少陰兼太陽發熱頭痛脊強腰腹痛脉沉而緊

附子一錢 麻黃八分 甘草七分 細辛五分

右剉一劑水煎温服一方有桂枝

香砂理中丸 治太陰脾經虛寒腹痛泄瀉諸症

黑乾姜二兩 白朮二兩 甘草一兩 砂仁一兩 五錢

木香八分 吳茱萸一兩 茯苓一兩 陳皮一兩

右為末米糊丸每服百丸白滾湯送下痛止為度

五積散 治太陰脾經積寒諸症

白芷一錢 陳皮一錢 厚朴一錢 桔梗五分 枳壳五分

川芎一錢 甘草五分 茯苓 蒼朮 當歸各一錢

半夏八分 肉桂五分 乾姜八分 麻黃六分

姜三片水二鍾煎一鍾温服

參附湯 治陽脫四肢厥逆危症

人參一兩 附子六錢 水二鍾煎一鍾灌下渣連服此

劑追回元氣生脉直服至有脉四肢温煖方止

姜砂六君子湯 治太陰脾經積寒腹脹泄瀉不思飲食
或嘔吐清涎

白朮 二錢 半夏 一錢 甘草 八分 茯苓 一錢 陳皮 一錢

黑姜 五分 砂仁 八分 香附 八分

姜三片 水二鍾煎一鍾溫服

按已上諸方乃直中陰經并傳經等症之正方也。但古今氣運不同人乘亦異。有是症用是方。不可誤用。尤不可過用。更有續治之法。詳例于后。學者當細心參究。

諸寒續治

太陽病其症發熱惡寒惡風頭痛項強腰脊強遍身骨痛。

脉雖浮洪而不數多不傳經。煩躁脉數急者是欲傳經。宜

先發汗以解表邪。其藥以羌活湯為主。羌活三錢 前胡二

錢 甘草八分 葛根二錢 生姜三片 棗二枚 杏仁九粒去皮

水煎服。秋深冬月應用此方。亦可量加紫蘇芎白如冬月

天氣嚴寒感邪即病。服此藥不得汗。本方加麻黃一錢 生

姜四片共前七片得汗勿再服。如病人自覺煩躁喜就

清涼不喜就熱。兼口乾是即欲傳入陽明也。若外証頭疼

遍身骨疼。或帶口渴鼻乾目疼不得卧。即係太陽陽明証。

羌活湯中加石膏知母麥冬大劑與之。得汗即解。如自

汗煩躁頭疼遍身骨疼不解者。羌活一錢 桂枝七分 石膏

一兩 麥冬 六錢 知母 三錢 竹葉 十片 二白芍藥 二錢 甘草 八分 如冬月即病太陽証畏風頭痛遍身骨疼自汗不渴宜用桂枝八分芍藥二錢甘草一錢大棗二枚生姜一片大陽病不解熱結膀胱其人如狂或有血下而下之即愈其外証不解者不可下當先解表証罷小腹急結者乃可下之有血桃仁承氣湯無蓄血証大承氣湯正陽明証正陽明者胃家實熱是也其証不大便自汗潮熱口渴咽乾鼻乾嘔或乾嘔目眴眴不得眠畏人聲畏木聲畏火不惡寒反惡熱或先惡寒不久旋發熱甚則譫語狂亂循衣摸床脉洪大而長宜急解其表用竹葉石膏湯大劑與之。不嘔無汗與葛根湯亦須大劑若表証已罷脉緩小便利是病解矣若表証罷後邪結於裏大便閉小便短赤宜用調胃承氣湯或小承氣湯下之。下後按其腹中不作痛而和病即已解如作痛是燥糞未盡也再用前藥下之。以腹中和二便通利為度。陽明病不能食若其人本虛切勿輕議下。陽明病頭眩欬而咽痛者用葛根甘草桔梗麥冬四味濃煎數之與之。陽明病衄血此緣失於發汗宜用荊芥二錢葛根三錢麥冬五錢牡丹皮一錢蒲黃二錢茅根二兩側柏葉二錢生地黄三錢濃煎與之。兼飲童便。陽明病心下硬滿者此邪未入於腹中慎勿下之用。

六經分頁諸寒續治
四卷廿二

竹葉石膏湯加栝樓搗碎一個桔梗二錢黃連一錢陽明病

邪結於裏汗出身重短氣腹滿而喘潮熱手足濇然汗出

者此大便已鞭也六七日已來宜下之不行換大承氣湯

勿大其劑若大便不鞭者慎勿輕下陽明病發汗不解

腹滿急者亟下之傷寒六七日目中不了了睛不和無

表証大便難宜承氣湯下之陽明病下之早外有熱手

足溫不結胸心中懊憹不能食但頭汗出梔子豉湯主之

陽明病發潮熱大便溏胸滿不去者與小柴胡湯去人

參加栝樓黃連陽明病自汗出或發汗後小便利津液

內竭大便雖硬不可攻之須俟其自通或用蜜導胆導法

通之大下後六七日大便仍不通復煩不解腹滿痛本

有宿食宜再用承氣湯下之食穀欲嘔屬陽明非少陽

也胸中煩熱者竹茹湯主之竹茹三錢麥門冬五錢枇杷

葉三大片蘆根三兩內無熱証者小便利口不渴此為陽

明虛也吳茱萸湯主之吳茱萸二錢人參三錢生姜一錢五分

大棗三枚水煎日三服凡陽明病多汗津液外出胃中

燥大便必鞭則譫語以小承氣湯下之若一服譫語止

者勿再服陽明病譫語發潮熱脉滑而數者小承氣湯

主之服藥後腹中轉氣者更與一服若不轉氣者勿更與

之若服藥後次日不大便脉反微澁者裏虛也為難治勿

復議下。陽明病下血譫語者。此為熱入血室。汗止在頭。用荊芥三錢。葛根三錢。黃芩一錢五分。麥冬五分。丹皮一分。錢五。生蒲黃二錢。濃煎。以童便對飲之。陽明病脉浮緊。咽燥。口苦。腹滿而喘。發熱。汗出惡熱。身重。若下之。則胃中空虛。客氣動膈。心中懊懣。舌上有胎者。梔子豉湯主之。若渴。欲飲水。舌燥者。白虎湯加人參主之。陽明病協熱下利者。宜六一散。心下痞者。以黃連。栝樓湯調服之。脉浮遲。表熱裏寒。下利清穀者。四逆湯主之。附子。乾姜。甘草。跌陽脉浮而澁。小便數。大便鞭。其脾為約。麻子仁丸主之。麻仁十三兩。芍藥四兩。枳實四兩。大黃八兩。厚朴三兩。杏仁六兩。

蜜丸如梧子大。每用十九日三服。陽明實則譫語。虛則鄭聲。鄭聲者。重語也。直視。譫語。喘滿者死。下利者亦死。發汗多。若重發其汗。譫語。脉短者死。脉和者不死。若吐。若下後不解。不大便。五六日。或至十餘日。晡時發潮熱。不惡寒。獨語如見鬼狀。若劇者。發則不識人。循衣妄撮。惕而不安。微喘。直視。脉弦者生。澁者死。澁者陽症見陰脉也。微者。但發熱。譫語者。大承氣湯主之。利勿再服。陽明病發狂。棄衣而走。登高而歌。此陽明實也。以承氣湯亟下之。如便不結者。大劑白虎湯灌之。石膏四兩。麥冬二兩。知母一兩。加大青一兩。甘草七錢。太陽陽明病。協熱下利者。宜六一散。以黃

連煎湯調服之。太陽陽明病六七日表証仍在其人發狂者以熱在下焦小腹當硬滿小便自利下其血乃愈當用桃仁承氣湯。又二陽并病太陽症罷潮熱汗出大便難譫語者宜大承氣湯。少陽病其症口苦咽乾目眩往來寒熱胸脇痛胸滿或痛耳聾脉法弦細頭痛發熱者屬少陽少陽不可發汗發汗則譫語胃和者當自愈不和者則煩而悸。傷寒三日少陽脉小者欲已也。凡太陽病不解傳入少陽者脇下硬滿乾嘔不能食往來寒熱未經吐下脉沉緊與小柴胡湯。柴胡二錢人參九分黃芩九分甘草九分半夏五分。生薑九分大棗二枚水煎日三服。

加減法。若胸中煩而不嘔去半夏人參加栝樓實一枚。若心下痞硬去大棗加牡蠣五分。若渴者去半夏加入參栝樓根。若腹中痛者去黃芩加芍藥三錢。若心下悸小便不利者去黃芩加茯苓二錢。若不渴外有微熱者去人參加桂一錢夏勿用溫覆取微汗愈。若欬者去人參大棗加五味子一錢少佐以乾姜。陽明少陽并病必下利脉滑而數有宿食也承氣湯下之。若吐下發汗溫針譫語柴胡湯證罷此為壞病知犯何逆以法治之。三陽合病脉大上關上但欲睡眠目合則汗藥用百合一兩麥門冬五錢炙甘草一錢知母二錢竹葉五十片栝樓根二錢鱉甲

六經分數諸寒續治

四卷六

六淫分與
如法白芍藥二錢三陽合病。腹滿身重。譫語遺尿。白虎湯加百合主之。傷寒六七日。無大熱。其人煩躁者。此為陽去入陰故也。傷寒三日。三陽為盡。三陰當受邪。其人反能食而不嘔。此為三陰不受邪也。三陰病。其證有二。一者病發於解表。以致邪熱傳入於裏。雖云陰分。病屬於熱。糞結宜下。腹滿不可按。宜下有燥糞。協熱下利。宜下。腹痛下利。宜芍藥。黃芩炙甘草以和之。如便膿血。即加滑石黃連。佐以升麻乾葛。如邪雖入裏。糞猶未結。宜清其熱。渴者用白虎湯。竹葉石膏湯。不渴或心下痞者。宜黃連黃芩芍藥枳殼麥冬栝樓華以清之。或邪未結於下焦。少腹

不堅痛。而誤用芒硝。以伐真陰。洞泄不已。元氣將脫。宜用人參白朮炙甘草大棗乾姜芍藥大劑與之。不止。佐以升提。升麻葛根柴胡之類。若從無陽邪表証。從不頭痛發熱。寒邪直中陰經。此必元氣素虛人。或在極北高寒之地。始有是證。法宜溫補。以接其陽。附子人參乾姜官桂大劑與之。陽回寒退。即以平補之劑調之。勿過用桂附。以防其毒。三陰各經見証。悉從仲景傷寒論法治之。如少陰咽痛。咽中生瘡。聲不出。用苦酒湯到咽即効。故知古人立法。非今人可及也。

經驗醫按

戊寅歲在芝山禪林施醫。一人初病。傷寒發熱煩躁口渴。時值六月中旬。天氣炎熱。醫者認為冒暑。用白虎湯治之。其煩躁諸症悉除。但至夜間自覺小便不禁。精神恍惚。次日擡至寺中請診。其面黑如墨。六脉沉細。在寺中諸醫友。皆謂誤服白虎湯。非大熱之藥。莫能急解。余就而診之。見其脉雖沉細。指下隱隱。而數曾記東垣先生為西臺葛君。瑞治。亦存此案。遂謂諸友曰。此人寒邪感在經絡。將變為熱。故始有煩躁等症。白虎湯乃去藏府燥熱之劑。非行經絡之藥。今若投大熱以求去其陰寒。則他症必起。非所以救白虎之良法也。遂用白朮陳皮黑姜砂仁厚朴温中。升

麻防風羌活當歸升陽行經。連進三劑。而脉立起。次減厚朴黑姜。加半夏人參。又用五劑。其面色如舊。而精神仍復元也。

一人因勞役過度。忽感冒寒邪。發熱頭痛嘔吐耳鳴亦聾。局外一醫認為少陽經症。以小柴胡治之。服至三劑。其熱愈甚。遂自汗。神昏耳聾。目不見物。擡至寺中請診。眾友診其脉。大如手指。按似有力。或者謂其痰火上壅。熱與邪並發。故致九竅不通。仍宜用解表清裏之劑。余曰不然。大凡病之虛甚者。其脉益大。此非大。乃出也。不大補元陽。莫能救療。遂以黃芪白朮茯苓甘草陳皮熟附子。作大劑與之。

每劑加人參一錢。一日汗少。二日熱減耳有微聞。目能視物。服至四劑。精神漸旺。前藥中減去附子。仍作小劑與服。六日而安。

一僧從支提山抵省。忽昏迷狂躁。渴欲引飲。手足冰冷。請余診視。見其脉六部皆沉伏。雖知陽厥。又疑為暴厥之症。不敢用寒藥。與衆友商議治法。其中亦有言三陰真傷寒者。亦有言素虛積寒。今或暴發者。種之不同。揆至午後。病人狂欲飲水。莫能禦止。余在寺起居。遂命以一小盞與之。見其飲水後。目精稍覺轉運。又命以一小茶鍾與之。又見其語言稍清便。又命以一大鍾與之。如此連飲五鍾。病人

稍睡。衆僧亦睡。是夜大雨驟至。病人復發狂躁。竟走雨中。倒卧。被大雨淋至天明。衆僧扶之。抵死不起。正在驚惶間。余至。曰。此陽厥之證也。經云厥深熱已深。昨飲水狂躁復作者。似杯水救輿薪之火。今既卧雨中一夜。其熱邪已盡解矣。可急扶起。次早遍身浮腫。又來請診。余曰。此熱邪退。乃雨濕作病也。可用白胡椒研末。每日用八分。白滾湯調下。半月而安。凡病至陰症似陽。陽症似陰者。最為難辨。於此稍誤。則生死立判矣。

一人因房事感寒。頭痛發熱。時覺冷痺。二脚疼痛不可忍。一醫認為直中傷寒。用四逆湯二劑。大覺燥渴狂越。引飲

不止。又一醫認為白虎熱病。用石膏湯二劑。而熱愈甚。其父到寺請診。余診其脈。浮大而數。按之無力。對其父曰。此原非熱証。乃不當溫而誤溫所致。名寃熱病也。治宜和解。雖用一二味性寒之藥。亦須用酒炒製。不可純用苦寒。恐苦寒之藥。與內熱相搏。變生他症。不妙。當時傍有知藥者。對病家曰。病勢至此。不為不急。何可以迂緩為。又延一醫。用三黃湯。合白虎湯與服。是夜自覺脘膈之下。湧而上。咳吐不絕。至天明視之。只見滿地鮮紅。父子驚惶失措。又到寺求救。余曰。此火極不能直折。遇寒反劇者是也。仍用芩連酒浸炒。麥門生地白芍養血。三劑而血止。五劑而熱

退。七日而精神漸復。夫誤溫等病。皆不足之證。非比傳裏熱症。時行溫熱病。豈可一例施治哉。

丁卯歲友人往古田縣應試。途中冒熱。過飲冰水。回省。忽頭痛發熱。面赤引飲。揚手擲足。神昏煩躁。左右脈浮數。亦大。眾醫謂其途中感病。非因房事所致。又謂三陰無頭痛。不煩渴。此必陽明經熱症無疑。遂用石膏竹葉湯。此藥煎熟。方欲入口。病人面色忽青。謔語撮空。循衣摩床。諸敗症俱見。余至診視。見其脈初數而大。按久漸覺微細。即謂病家曰。非真白虎陽明之症。乃陰症似陽。其熱與渴似陰氣。臨下。陽氣隔上。名陽隔之症也。若誤服前劑。則不可救藥。

矣。旁有一二老成。然余之言。遂求治法。余用大劑真武湯。倍參附。煎熟置水中令冷。一日一夜連服五劑。其渴方止。謔語諸症方定。熱亦隨減。夫參附令冷與服者。是熱因寒用。引其陽氣歸元者也。然其病雖減。而脉尚未回復。反覆思之。以脉乃血氣之母。有氣無血。亦不生發。以前藥中加歸芍地黃。連與三劑。其脉立回。而精神依然。爽旺矣。

一友因起早感寒。頭痛發熱。腰痛脊強。煩悶不已。一醫認為太陽症。用麻黃桂枝湯三劑。而汗不出。其病反增。延余診視。見其脉浮緊未解。其症果屬太陽。仍用前麻黃湯一劑。用水十五碗。煎至十二碗。辰時至午。強病者飲盡。病者

飲至十碗。藥滿至喉。再強飲之。即發大吐。其汗如雨。次早諸病皆退。而元氣亦未損傷。此乃吐中有發。汗之意。因此人腠理密厚。寒邪不得發泄。吐則中氣升發。能助藥氣而發表也。故汗吐下三法。醫者不可不知。

一友因造墳感寒。頭痛發熱。遍身疼痛。亦有寒熱往來。脉緊而浮。一醫認太陽表症。用沖和湯二劑。其病反增。又加狂熱。神昏困倦。又有認為手太陰冒風症。遂用十神湯二劑。其熱愈劇。召余診視。見其脉雖浮緊。尋則無力。謂其病家曰。此元氣素虛。卒冒風寒。今既服發散藥。反增。當以扶元氣藥。兼發散寒邪。遂用補中益氣。去黃芪白朮。加防風

白芷細辛等藥。二劑而汗出。三劑諸症悉除。此即所謂平
解之法也。

一友傷寒九日。咽乾口苦。腹脹下利清水。煩躁譫語。六脉
沉細。手足厥冷。一醫謂其症下利清水。又聞此人得病之
初。為辛苦入房所致。非理中湯。莫能救療。病人亦疑為真
傷寒。欲服溫裏之藥。其兄頗知醫理。召余診視。見其脉雖
沉細。按之鼓指。遂謂其兄曰。幸未服溫裏之劑。服則禍不
旋踵矣。此症寒邪從三陽經傳入。今熱鬱下焦。不得通達。
故有此症。宜用承氣湯下之。連進二劑。諸症悉除。古所云
通因通用者。此類是也。

暑門

中暑

傷暑

暑風

暑寒

夫暑乃相火行令。其病多渴而煩。其脉多細而虛。蓋暑熱
傷氣。元氣傷則脉虛而證煩也。古人用人參白虎湯。清暑
益氣。飲參麥香薷等治之。其法不為不備矣。但中暑與暴
厥相類。傷暑與中寒近似。尤當細辨其詳也。夫傷暑之脉。
本自虛細。其證面赤發熱。煩躁擲衣。類似中寒。戴陽等證。
或因房事內虛。得冒此症。世俗不辨寒暑。即用姜桂附子
溫熱等劑。立致人自焚者。徃徃皆是也。中暑之脉。空大而
軟。其症忽然仆倒。惡熱發渴。不省人事。或胞前火熱。手足

厥冷。近似暴厥。柔痊等症。或痰火內爍。因暑氣沖激。偶發此症。世俗不察虛實。誤用川烏。南星。辛燥等劑。遂使人涸斃者。又豈少哉。夫人素有痰飲。被暑所激。熱痰迷塞心竅。或內有伏火。因外火所沖。遂致眩倒。不知人事者。此中暑之症也。治宜清暑益氣。隨其痰火微甚以治之。如痰甚壅塞。亦有用吐而愈者。火甚不降。用下而愈者。尤當辨其虛實焉。有暑夾痰夾火。其病如風。俗呼暑風之病。乃虛中之實證也。假若精氣內奪。五臟空虛。卒然仆倒。昏不知人。無痰可吐。無火可降。此即暴厥之証。治宜大劑參朮。如八珍十全大補。方可挽回。苟不審其虛實。槩以暑治。則必令人

頃刻卒斃矣。如農夫行人。時在日中勞役。忽冒暑熱。發渴煩悶。頭眩惡熱。或嘔吐泄瀉。肌膚如爍。治宜清解暑熱。若膏梁子弟。避暑于深堂大廈之中。或涼臺冷樹之下。忽頭痛惡寒。身體拘急。骨節疼痛。鬱熱大發。此為陰邪所遏。使周身陽氣不得伸越。治宜溫散寒邪。然勞役之人。亦有食生冷冰水致寒者。貴介亦有出入冒暑而成熱症者。尤當審其真假焉。夫寒皆因暑所致。非因天時之所感。俗呼暑寒之病。乃暑症之變也。假令元氣本虛。為房舍陰邪所中。遂發熱陰躁。面赤脉浮。無汗可表。無積可消。此即戴陽之症。治宜大劑參附。如理中四逆等湯。始保無虞。若不辨其

真假。緊認為暑。則必致人厥逆而死矣。蓋一暑証。其變化種種不同。治法亦異。今之醫師。不獨誤認非風為風。非寒為寒。非暑為暑。而且謂寒與暑相夾。風與寒並病。此誤之甚者也。夫人既感暑熱。其周身表裏。俱為熱邪所困。則寒氣從何而入。人既冒寒邪。其表裏藏府。俱被陰邪所束。而暑氣何能復侵。嗟。風性動而為陽。寒氣靜而為陰。天地間陰陽。可以相配。而水火原不相入。此理甚明。後世之人。何執迷之太甚。夫傷寒惡寒而脈實。傷暑惡熱而脈虛。傷風有汗。傷寒無汗。可混言耶。或傷暑熱過。飲冰水寒藥。遂致變為裏寒之症。用桂附愈者有之。或食瓜果冷水。用燥

熱藥過多。以致變為蘊熱之證。用苓連愈者有之。寒暑相夾。載在何書。謹續此以戒誕妄。質之前人。未必無少補云。

諸暑約脈

傷暑脈虛。傷寒脈實。中風脈大。中暑脈細。暑挾痰。則脈滑而虛。暑挾火。則脈洪而虛。暑挾風。則脈浮而虛。脈浮大而虛。弦細而虛。此皆傷暑之脈也。反此者。皆因暑所致之症。切不可緊認為暑可矣。

諸暑約治

一治暑之法。大抵清心。利小便。益元氣。解暑熱為主。或暑客於表。頭痛肌膚發熱。煩躁惡風。宜十味香薷飲。加減藿

香正氣散解散之。

一暑邪中裏。頭眩口乾。煩渴腹痛。下血發黃。昏亂者。或發黃疸。或變滯下痢症。宜黃連解毒湯。金花丸。芍藥湯。白虎湯。天水散。分治之。

一暑邪在半表半裏。或寒熱往來。瀉利兼作。宜用柴苓湯。分理陰陽。內外兼治可也。

一元氣空虛。暑邪直中。即時昏悶。汗出如雨。脈脫而渴。身雖有大熱。不可用清暑等藥。急用大劑參麥湯。破格挽回。或黃芪六一湯。並參麥湯合服。俟脈回人醒。方可歇藥。此乃於將絕之頃。追回元氣之法也。

一傷暑吐瀉。脈沉微者。不可用涼藥。此皆因暑熱。多食冰水冷物。致脾胃氣寒。宜溫脾消食。行滯利水。如香砂平胃散。吳萸理中湯之類。主治者要識此意。

一傷暑發熱惡寒。身體疼痛。小便短濇。手足時冷。小有勞身。即發熱。口開咽乾。齒燥。其脈弦細而微數。此為表裏中暍也。宜用補中益氣湯。加麥冬黃柏。誤用香薷飲。則津溢外泄。輕者必重。而重者必危矣。

一暑熱卒中於心。一時昏迷。切不可與飲冷水。並卧濕地。其法先以熱湯灌。或童便灌。及用布蘸熱湯熨臍中氣海。續上令暖氣透徹腹內。候其甦醒。然後進藥。若誤以冰水

灌之即斃。

諸暑約方

人參白虎湯 治夏月中暑舌燥發渴身熱脉虛

人參一分 錢五 知母 二錢 石膏 煨 五錢 甘草 炙 一錢

右水二鍾梗米一撮煎一鍾温服

清暑益氣湯 治夏月暑熱內蒸肢體困倦併痛或氣高

而喘身熱而煩心下痞悶小便黃數大便溏瀉或利或

渴不思飲食。

黃芪 一錢 升麻 一錢 人參 五分 白朮 五分 神麩 四分

陳皮 四分 澤瀉 四分 甘草 三分 黃柏 四分 當歸 四分

青皮 三分 麥冬 四分 乾葛 四分 五味 七粒

右水二鍾煎一鍾不拘温服或汗少躰重胸滿不開減

麥冬 五味 當歸 加蒼朮 一錢 五分

生脉飲 治夏月精神困倦身熱煩渴五心潮熱脉虛氣

短併病夏元氣虛弱之人宜常服

人參 二錢 五分 麥門冬 二錢 五分 五味 八分

水不拘多少煎服

天水散 治中暑口渴煩燥小便赤澀六府結熱等症

滑石 一觔 硃砂 二兩

共研細末用甘草水飛七次陰乾此方不獨中暑即暑

天無病之人亦宜常服。能解內熱。清理腸胃。通利水道。殊有功也。

清暑芍藥湯 治夏月潮熱煩燥。心腹悶痛。似痢非痢。似瘡非瘡等症。

香薷 一錢五分 白芍 二錢 甘草 一錢 黃芩 一錢五分
茯苓 八分 厚朴 一錢 麥門冬 一錢五分

水二鍾煎一鍾溫服

香連清暑湯 治傷暑口乾煩燥。腹痛瀉痢。

陳香薷 二錢 黃連 一錢五分 厚朴 一錢 甘草 一錢
茯苓 一錢 扁豆 一錢五分 青皮 三分

水二鍾煎一鍾服

金花解暑湯 治中暑頭眩口乾。煩燥狂越。肌膚大熱症。

鬱金 一錢 黃柏 一錢五分 黃連 一錢 花粉 一錢五分
粉草 八分 黃芩 一錢 葛花 一錢 麥門 一錢

水二鍾煎一鍾溫服

紫平湯 治傷暑頭痛發熱。嘔黃水。腹膨脹。瘡痢並發症。

紫胡 一錢五分 黃芩 一錢五分 蒼朮 一錢五分
半夏 一錢 甘草 七分 人參 八分 厚朴 一錢 陳皮 八分

水二鍾煎一鍾溫服

黃連解毒湯 治中暑頭眩。口渴煩燥。腹痛下血發黃。諸

狀熱痢。方見火門。

清暑補陰湯 治陰虛傷暑潮熱咳嗽不思飲食五心煩

熱口渴喜飲神昏困怠

當歸一錢 黃柏一錢 麥門冬一錢 生地一錢 五分

粉草八分 香薷八分 白芍一錢 川芎七分 知母八分

水二鍾煎一鍾溫服

正香薷飲 治夏月冷熱不調腹肚疼痛霍亂吐瀉

陳香薷三錢 厚朴二錢 扁豆二錢

水三鍾酒半鍾煎百滾冷不拘時服若熱服反致泄瀉

煩渴也

和肝清風飲 治因暑氣沖激痰火上攻目腫脇痛類若

中風等証

防風八分 胆星一錢 黃芩一錢 五分 柴胡七分 甘草五分

龍膽草一錢 薄荷五分 桔紅六分 麥門冬一錢 天麻二分

水二鍾姜一片煎一鍾溫服

天麻養榮湯 治暑風頭眩嘔吐遍身麻木發熱等症

天麻一錢 茯神一錢 甘草五分 川芎三分 當歸一錢

橘紅五分 白芍八分 防風七分 寄生八分

水二鍾姜一片煎一鍾溫服

理痰飲子 治痰因暑氣所沖遂至眩倒不知人事類若

中風

胆南星一錢 防風八分 貝母一錢 茯神一錢 黃芩一錢

姜蚕五箇 橘紅五分 天竹黃五分 羚羊角四分

水二鍾煎一鍾溫服

清心丸 治暑熱攻心 譫語煩燥等症

生地黄一兩 黃連一兩 赤芍藥五錢 茯神一兩

柏子仁一兩 粉草五錢 麥門冬一兩 沙參一兩

當歸六錢 遠志六錢 玄參六錢

右各製為末 煉蜜為丸 如芡實大 用硃砂五錢 金箔三

十張為衣 每服一九 嚼碎燈心湯送下

增補暑風湯

治夏月忽然率倒角弓反張不省人事手

足發搐此為暑風不可純作風治

香薷一錢五分 厚朴一錢 扁豆一錢 黃連一錢

羌活一錢五分 甘草六分

水二鍾煎一鍾溫服如脉虛汗多加人參黃芪各一錢

或暑風挾火加黃芩梔子各一錢或暑風挾痰加胆南

星製半夏白附子明天麻各八分

香砂平胃散 治夏月過飲冰水瓜果冷物致脾胃寒濕

腹痛泄瀉不思飲食體重發熱宜服

蒼朮二錢 厚朴一錢五分 陳皮一錢 木香五分 砂仁一錢

姜二片水二鍾煎九分服如有痰加半夏一錢如小便不通加茯苓澤瀉各一錢如飽脹有積加神麩麥牙各一錢

柴苓湯 治夏月內傷生冷外冒暑熱寒熱乍發或腹痛泄瀉口吐苦水此少陽太陰表裏合病又為半表半裏之症故宜柴苓湯分理之也

柴胡一錢半夏八分甘草五分人參八分黃芩一錢白朮一錢茯苓一錢猪苓八分澤瀉八分肉桂二分水二鍾姜一片煎九分溫服如內傷生冷急於五苓散中加乾姜砂仁先治內寒如外感急單服小柴胡

吳萸理中湯

治夏月過食生冷或入房犯寒心腹絞痛

嘔吐泄瀉脈沉欲絕手足厥冷

白朮二錢乾薑二錢甘草一錢吳萸五分陳皮五分

水二鍾煎一鍾溫服脈虛極加人參附子各一錢

附子理中湯 香砂理中湯俱見傷寒

加減五積散 治夏月因暑冒寒遍身拘急肢節疼痛大

熱無汗

白芷一錢蒼朮一錢川芎一錢半夏一錢藿香六分

紫蘇一錢桔梗六分乾薑六分枳壳六分甘草三分

水二鍾薑三片棗一枚煎服或脚手冷痺腹痛惡寒加

官桂 六分

十味香薷飲

治傷暑頭痛發熱煩燥惡風

香薷 一錢五分 厚朴 八分 茯苓 一錢 葛根 一錢二分 川芎 六分

柴胡 八分 陳皮 七分 防風 八分 甘草 五分 紫蘇 一錢

水二鍾薑二片棗一枚煎一鍾溫服

藿香正氣散 治傷暑發嘔吐惡風腹脹腹痛

藿香 五分 厚朴 八分 茯苓 一錢 半夏 八分 大腹皮 八分

白芷 八分 紫蘇 一錢 桔梗 六分 陳皮 七分 甘草 五分

水二鍾薑二片棗一枚煎一鍾溫服

黃芪六一散 治元氣空虛暑邪侵入汗出脈細發熱口

乾

黃芪 一兩 甘草 一錢 俱蜜麥冬 三錢 人參 三錢

水二鍾煎一鍾溫服

補中益氣湯 治暑天元氣虛弱精神困倦病夏等症 方

內傷 生脈飲 見傷暑

天黃補陰湯 治暑熱傷血遂至咳嗽紅痰精神困倦五

心潮熱等症

生地黃 二錢 地骨皮 一錢五分 白芍 一錢五分 當歸 一錢

天門冬 二錢 大粉草 一錢 香薷 一錢 黃柏 六分

水二鍾煎一鍾溫服

經驗醫按

戊寅歲芝山寺施醫。一農夫日中勞役。忽冒暑熱。遂覺痰涎壅盛。語言寒澀。人事昏憤。病者誤認為中風。遍求風藥治之。其症愈劇。擡至寺請診。余觀其顏色焦枯。聞其氣味腥臭。切其脉細數。謂同道友李鼎台曰。此人脉數色焦。素必有痰飲。想為暑氣冲激。痰因火動。以致人事昏昧。當以清暑益氣湯清暑。加貝母胆星花粉理痰。若再用風藥。重竭其津血。則危在旦夕矣。吳友曰善。此方與十劑分五日服。其痰熱頓清。諸症悉除。此乃夾痰傷暑之症。勞役之人。多患此病。誤作風治。寧不令人天枉。

一人為中暑熱。忽然譫語發狂。胸膈壅塞。欲吐不吐。煩燥不寧。扶至寺中請治。余診其脉洪滑。觀其面色。兩眼赤而帶紫。知其胸膈有熱痰。遂用甘草蒂散吐之。其人吐濁痰斗許。人事立省。繼服黃連香薷飲五劑而愈。此乃痰因暑壅。治宜吐而愈者也。

一友因房事後冒暑。發熱煩燥。頭眩惡風。召一醫診視。認為傷寒。欲用桂附。病者因天時炎熱。不敢服。復召一醫診視。以脉細而數。症口渴而煩。謂此非中寒。乃傷暑之症。欲用十味香薷飲。病者為有房事。仍不敢服。正疑似之間。一相熟醫至。此醫與病人素所知信。亦謂此症宜服十味香

當飲。病者見兩醫意見相合。是日遂服香薷飲。至晚果見
遍身微汗。精神頓爽。次日復召診視。其醫見脉尚有微數。
謂其暑熱未解。更宜用香薷飲。病者見前服有效。又服一
劑。當晚汗出如雨。脚手厥逆。脉散神亂。其父兄驚惶無措。
延數醫診視。皆曰初既因房勞所感。是失於溫裏。今非人
參附子理中湯。莫能救療。余至觀其喘息甚促。有出無入。
以為無法矣。復診其脉。見左右細數。尚有些神氣。謂其父
兄曰。今汗出如雨。不獨元氣外泄。而津液亦將內涸。若用
桂附性悍之品。則速之危也。當以獨參湯救之。用人參一
兩煎湯。時時與服。至天明人事漸復。繼與補中湯而愈。

濕門

中濕

風濕

濕熱

濕痺

夫濕之為病。所感有因。或因從外而感之者。或因從內而
生之者。若坐卧濕地。與夫道途蒙犯雨露。或動作辛苦之
人。澡浴涉水。此濕從外感者也。或恣飲酒酪。濕麪多食柑
橘瓜果之類。積聚停飲。滯而不行。此濕從内生者也。二者
雖有內外之別。然其受病之始。皆繇脾氣虛弱。濕邪乘虛
而襲之。如濕入皮膚。則為頑麻。入氣血則為倦怠。入肺則
為喘滿。入脾則為濕痰腫脹。入肝則為脇痛。而肢節不利。
入腎則為腰疼膝痛。身如板夾。脚如沙墜。入腑則麻木不

仁。濕入臟則舒伸不能。而肢體強硬。或為痿痺。或為黃疸。或為脚氣。或為痲瘡。或為濡泄。皆濕之為病也。故濕之為病多端。其治法亦不一。其脾本經受病。則脈緩而瀯。治宜辛燥。如目熱。抑鬱水道。不得宣通。以致腫滿。或發腫痛。此濕因熱生病。其脈緩而洪。治宜辛涼。如風濕相夾。則一身盡痛。其脈緩而弦。治宜行濕去風。經云。諸濕腫滿。皆屬於脾。其治法。大約宜上下分消。理脾清熱。通利小便。是其要也。

諸濕約脈

濕在表。脈浮而緩。濕在裏。脈沉而緩。濕在表裏之間。則脈

緩而瀯。或弦而緩。或緩而浮。皆風濕相搏也。或大而緩。或洪而緩。皆濕熱相合也。

諸濕約方

除濕湯 治中濕身倦。體重腰腿酸疼。大便溏瀉。小便短

澀

半夏 麩

蒼朮

厚朴

赤茯苓 各一錢

陳皮 七分

藿香

甘草 各五分

水二鍾。姜三片。棗二枚。煎八分。食遠溫服。

二木四苓湯 治諸濕腫滿。一身盡痛。發熱煩悶。二便不利。或澀或滑。

白朮

蒼朮各一錢

白芍

猪苓

澤瀉各八分

黃芩

羌活

赤芍

梔子各七分

甘草四分

水二鍾姜三片燈心一撮煎八分空心溫服

除濕羌活湯 治風濕相搏一身盡痛

羌活七分 防風

升麻

柴胡

藁本

蒼朮各七錢

右剉一劑水煎溫服

清濕湯 治忽冒雨濕身體拘攣四肢酸痛或冷痺蒸熱

咳嗽吐痰

蒼朮一錢 防風五分 川芎一錢 陳皮六分

半夏八分 獨活一錢 當歸六分 赤芍一錢

右薑三片水二鍾煎一鍾溫服

獨活寄生丸 治腎氣虛弱坐卧濕地腰背拘急筋攣骨

痛

獨活五錢 桑寄生二兩 當歸五錢 白芍五錢 川芎一兩

人參一兩 熟地黃一兩 茯苓一兩 牛膝一兩 杜仲一兩

細辛一兩 秦艽一兩 桂心一兩 甘草一兩

右剉一劑研末為丸每服三錢百滾湯空心送下

防風勝濕湯 治中濕渾身疼痛脚手拘急或發紅腫等

症

防風 二錢 桑寄生 五錢 當歸 一錢 獨活 一錢 秦艽 一錢
薏苡 二錢 撫芎 一錢 白芍 一錢 甘草 五分

右水二鍾薑二片煎一鍾温服

諸痺約方

熱痺升麻湯 治肌肉熱極躄上如鼠走唇口反縱皮色

變諸風皆治

升麻 二錢 茯神 一錢 人參 一錢 防風 八分 犀角 一錢

羚羊角 一錢 羌活 八分 官桂 三分

水二鍾薑二片煎一鍾少加竹瀝同煎温服不計時候

桂枝芍藥知母湯 治肢節疼痛身軀羸弱脚腫如脫頭

眩短氣兀兀欲吐

桂枝 二錢 芍藥 五錢 甘草 八分 麻黃 八分 生薑 三錢

白朮 三錢 知母 二錢 防風 二錢 附子 八分

水二大鍾煎一大鍾分二次服

芍藥川烏湯 治肢節不可屈伸遍身疼痛

麻黃 三錢 芍藥 黃芩 各三錢 甘草 一錢 川烏 一箇去尖

右剉一剗水三鍾煎一半加蜜一盞再煎二三滾不時

服

防風治痺湯 治行痺走注無定等症

防風 甘草 當歸 赤茯苓 杏仁 各二錢 五分

黃芩五分秦芫

官桂錢各一葛根

升麻各八分

右剉一劑水二大鍾薑五片棗三枚煎一大鍾溫服

薏苡散 治濕傷腎腎不養肝肝自生風遂成風濕流注

四肢筋骨拘攣左肩膈肌肉疼痛應左中指痛等症

薏苡仁一兩當歸

乾薑 茵芋

甘草

小川芎

官桂

川烏

防風

羌活

人參

白朮

麻黃

獨活錢各五

右為細末每服二錢空心臨卧酒調下日三服

龍席丹 治走注疼痛或麻木不遂或半身疼痛

草烏

蒼朮

白芷各一兩

右研為末水拌發熱過再入乳香二錢當歸牛膝各半

兩酒糊丸如彈子大酒化下

和血散痛湯 治两手十指一指疼了一指疼疼後又腫

骨頭裏痛或左膝痛了右膝痛發時多則五日少則三

日晝輕夜重痛時覺日熱行筋骨肌肉間至發腫少解

此濕邪先傷血後傷氣故先痛而後腫也

羌活身升麻麻黃各五梔仁十箇柴胡一錢

紅花一分當歸身二分防風一錢甘草二分獨活五分

猪苓五分黃柏一錢防已六分知母一錢黃連五分

右咬咀分作四服每服水一大盞煎至一半去渣空心

熱服

麻黃羌活湯 治歷節痛

麻黃 二錢 羌活 二錢 黃芩 三錢 細辛 二錢 黃芪 八錢

右剉一劑水二鍾煎八分溫服遍身汗出為度三四日

有汗當慎風

四物蒼朮各半湯 治濕熱流入四肢歷節腫痛

蒼朮 三錢 地黃 二錢 當歸 一錢 防風 一錢 寄生 一錢

川芎 一錢 白芍 一錢 地骨皮 一錢 甘草 六分 柴胡 一錢

右水二鍾姜二片煎一鍾溫服

加減二妙丸 治腎虛脾濕身重拘急兩足腫痛鶴膝瘋

大蒼朮

一劑用米泔水浸二宿洗淨去粗皮先用鹽水炒八兩酒炒又次用酒炒

厚黃柏

八兩酒炒

右研細末煉蜜為丸每服三錢白滾湯空心送下或血

虛脈緩而大者加四物養血如氣虛脈緩而大者加四

君子養氣如血氣俱虛加八珍湯兼補血氣如下焦濕

重加薏苡防風木瓜如濕痰盛加二陳竹瀝姜汁如痛

甚加防風獨活秦艽此方隨症加減有百發百中之妙

屢試屢驗其功不能盡述

蒼朮復煎散 舒經湯 趁痛散 益元酒糊丸 見痛風

經驗醫按

戊寅芝山寺施醫。一人五十歲。因福清抵省。途冒雨濕。當時不覺。月餘。遍身發腫。皮膚間如蟲行。服除濕諸藥。罔效。到寺求治。余見其脉浮緩。對病者曰。此風濕之病。凡濕自外入者。先傷肌表。而未至傷血氣也。今當兼風藥調之。蓋風藥之性。能鼓舞動盪。能疏通肌表。即與防風勝濕湯二十劑而愈。經云。風能勝濕者。是也。

一人因涉水。感濕。身如板夾。足如砂墜。求醫經年。罔效。兩膝漸腫。不能履地。醫以鶴膝風藥治之。其膝愈大。更加痰嗽發熱諸症。到寺求治。余見其脉細數而瀼。遂用二妙丸。每日與服兩許。計服三劑。乃愈。此濕熱傷血氣而病也。

燥門

血燥

燥熱

消渴

夫燥真陰闇耗。水液內涸。故燥氣妄行。致陰氣壅滯。而不得通利。與火自有分別也。如肺燥則咽乾鼻焦。皮膚皴揭。乾咳煩燥。肝燥則筋痛爪枯。目澁畏光。心燥則舌乾喜飲。面赤煩亂。脾燥則唇焦發渴。便結難通。腎燥則骨熱便赤。消渴咽痛。此皆真陰為火邪所傷。而腎水失其生化之源也。經云。諸瀆枯涸。乾勁。斂揭。原病。式曰。瀆燥也。枯不榮生也。涸無水液也。乾不滋潤也。勁不柔和也。斂揭。皮膚啟裂也。蓋燥之為病。其來也漸。其變也不速。非比火性飛騰。遇

物銷鑠也。故燥與火雖相類。其形症大有別也。

諸燥約脉

血燥則脉沉而瀋。氣燥則脉浮而瀋。弦數急促之脉。皆可以辨燥症也。

諸燥約方

生血潤膚飲 治皮膚折裂指甲乾厚筋痛肉麻

當歸一錢 生地黃一錢五分 熟地黃一錢 黃芩一錢

桃仁五分 天門冬一錢五分 麥門冬一錢 五味七粒

紅花一分

水二鍾煎一鍾温服

通幽湯 治大便閉結燥渴不安幽門乾瀋

生地黃一錢五分 當歸一錢 桃仁研一錢 紅花三分

檳榔末五分 大黃一錢 甘草炙三分

水二鍾煎一鍾温服

天門冬膏 治血虛肺燥皮膚皴揭及肺痿乾咳消痰

天門冬鮮者不拘多少洗淨盡去皮心搗爛以布絞汁

濾去渣用砂鍋慢火熬膏每早用三四茶匙空心百滾

湯調下

四仙膏 治精血乾枯精神困倦手足痿弱腸胃枯瀋遍

身筋痛消渴諸症

人乳一斤雪梨汁一斤藕汁一斤用人參四兩去芦泉
水慢火熬濃汁去渣取汁合已上三汁用鐺陰煉成膏
每早用三四茶匙空心用白滾湯調下
瓊玉膏 治失血后乾枯肉脫日夜煩渴小便短數
地黃八兩人參四兩茯苓二兩用泉水不拘多少置銀
鐺文火熬膏每早三四茶匙白滾湯調下
人乳牛乳各酪玄明粉天花粉胡麻仁火麻仁柏子仁
郁李仁凡此滋潤之品皆治枯燥之劑或其燥在臟在
腑尤當審認明白用他藥引導之

附消症議

經所謂消瘵者。即後世所謂三消証也。凡多飲而渴不止
者為上消。消穀善飢者為中消。溲便頻而膏濁不禁者為
下消。河間三消論曰。五藏六腑四肢皆稟氣於脾胃。若脾
氣和。胃氣行。則能運其津液以濡潤養之。然消渴之病。本
於陰氣衰極。陽氣太盛。治當補腎水之陰。瀉心火之陽。除
腸胃燥熱之甚。濟身中津液之衰。使道路散而不結。津液
生而不枯。氣血和而不瀆。則病自已也。曰消中。曰消渴。曰
腎消。一皆以燥熱太甚。三焦腸胃腠理脈絡怫鬱壅滯。雖
多飲於中。而不能浸潤於外。榮養百骸。故致消渴不止。小
便多出。或數溲耳。戴人云三消之說。當從火斷。夫火之為

用燔木則消而為炭。煉金則消而為汁。煨石則消而為灰。煎海則消而為鹽。乾汞則消而為粉。熬錫則消而為丹。故澤中之潦消於炎暉。鼎中之水乾於壯火。蓋五藏心為君火。正化。腎為君火對化。三焦為相火。正化。胆為相火對化。得其平。則烹煉飲食。糟粕去焉。不得其平。則燔灼藏府。津液竭焉。夫一身之心火。甚於上。為隔膜之消。甚於中。為腸胃之消。甚於下。為膏液之消。甚於中。為肌肉之消。上甚不已。則消及於肺。中甚不已。則消及於脾。下甚不已。則消及於肝腎。外甚不已。則消及於筋骨。四藏皆消盡。則心始自焚而死矣。故素問有消痺消中消渴風消膈消肺消之說。

消之証不同。歸火則一也。河間戴人以三消。從火之說。則其言不謂不詳。然其中更有未盡者。夫消乃消耗之謂。陽勝陰。能消陰。而陰勝陽。獨不能消陽乎。故消不在多飲多便。凡於精神血氣。肌肉筋骨。皆謂之消也。消有陰陽。不特盡稱為火症。記此約言。為治消者鑒焉。

消痺約方

加味人參石膏湯 治膈消上焦煩渴不欲多食

人參一兩 石膏二兩 知母一兩 甘草五錢 花粉一兩

每服五錢 水煎食後溫服

加減地骨皮丹 治上消

知母五錢 柴胡二錢 甘艸三錢 麥冬五錢 地骨皮六錢
白芍藥五錢 茯苓五錢 黃芪六錢 石膏五錢 黃芩五錢
橘梗三錢

右為細末每服三錢 泉水煎食遠溫服

易老門冬飲子 治老弱虛人大渴

人參一兩 枸杞子一兩 白茯苓四錢 甘草四錢

五味子粒三十 麥門冬一兩

每服四錢 泉水煎服

白朮散 治虛熱作渴或痰涎隔其津液發渴者神効

人參一兩 白朮一兩 白茯苓六錢 甘草三錢 乾葛四錢

藿香二錢

右為末每服三錢 煎溫服如飲水多與服之

參朮膏 治脾胃虛弱飲食不生津液泄瀉煩渴

白朮一斤去粗皮 人參四兩去

用泉水文武火熬至成膏每次用二三茶匙百沸湯調

服

猪肚丸 治消渴

猪肚一個用白糖洗淨 黃連 瓜蒌根 麥門冬 知母各一兩

右為細末納猪肚中線縫置甑中蒸極爛乘熱於石臼

中杵可丸為度如硬加少蜜為丸每服三十九漸加至

四五十九。渴則服之。

黃連參苓散 治心火乘脾口臭煩渴或變滯下症

黃連四兩去芦 人參四兩去芦 茯苓二兩乳拌

共研細末每服二錢百沸湯調服

調胃承氣湯見傷寒黃芪六一散 天黃補陰湯見暑厥

三黃丸見火門

順利散 治中熱在胃而能食小便赤黃微利至不欲食

為効不可多利

厚朴二兩 枳實一兩 大黃三兩

每服五錢水煎食遠服

參蒲丸 治食依胃中結熱消穀善食不生肌肉

人參一兩 赤茯苓六錢 菖蒲三錢 遠志一兩 牛膝五錢

右為末蜜煉丸每服二十九米飲下

和陰湯 治口渴舌乾小便數舌上赤裂此藥生津除燥

生肌肉一名地黃飲子

黃連一錢 桃仁五粒 生地二錢 紅花三分 黃柏一錢

當歸五分 甘草五分 升麻三分 知母一錢 防己五分

羌活四分 麻黃根三分

口乾舌焦加杏仁甘草小便赤加梔子

右咬咀作一服水煎去渣溫服忌酒麪房事

清涼飲子 治消中能食而瘦口舌乾自汗大便結小便
數

羌活稍三分 柴胡稍五分 升麻稍三分 防風稍五分
甘草稍五分 當歸五分 石膏一錢 知母一錢 紅花三分
防已四分 龍胆草六分 黃柏一錢 桃仁五粒 杏仁五粒
生地一錢 黃芪根六分 黃芩四分

右水二盞酒一小盞煎服

甘露膏 治消渴飲水極多善食而瘦自汗大便結燥小
便頻數又名蘭香飲子
石膏一兩 知母一兩 甘草六錢 人參六錢 防風根三錢

半夏五錢 蘭香三錢 白豈菹四錢 連翹五錢 桔梗三錢

升麻三錢

右為末水浸蒸餅丸或捏劑作薄餅子晒乾碎如米大
每用淡薑湯下二錢一方去半夏豆菹

千金地黄丸 治腎竭

黃連四兩 生地八兩

右再為細末煉蜜為丸食後麥門冬湯下五六十丸

麥門冬湯 治消渴日夜飲水無度飲下即洩

麥門冬二兩 黃連二兩 冬瓜二兩

右為麤末每服五錢水煎八分去渣溫服若冬瓜無乾

者用新冬瓜肉三觔去穰分作十二片為十二服每服用衣一片劈破水煎每日三服

冬瓜飲子 治消渴能食而飲水多小便如脂麩片日疲無度

冬瓜一箇黃連二兩

右先以冬瓜破開去穰摻黃連末在內却用頂蓋定於熱灰中煨熟去皮切細爛研絞汁每服一盞至二盞日三服夜一服

經驗醫按

戊寅芝山寺施醫一人四十五歲病消渴舌上赤裂飲水

無度小便數而帶濁服潤燥諸藥罔效到寺請診余見膝沉瀆詢其症腹時脹滿煩燥引飲脇下急痛觀其色面塵色黑目白睛黃甚先用甘露膏清理其脾服半月餘目黃稍退惟渴不解面黑猶存繼用千金地黃丸服一月而愈此脾腎二經之消症也

一人口乾便數春末感受因服藥無效至夏到寺求治余診其脈左手瀼右手稍數不弦重取似大詢其得病之原平素喜用犬肉煎炒熱物忽一日過飲遂覺胸膈煩悶漸至消渴余曰此繇飲食厚味所致非津液乾涸乃脾胃痰熱為病遂用順利散每日與服三次服至五日計下宿垢

腐爛之物。如痰非痰。似積非積。其臭穢不可近。聞者二桶
餘。繼與猪肚丸服月餘。其渴即止。而肌肉漸生。戒暈醒一
年而愈。此因為飲食生痰。而痰熱作消者也。
一人無病。肌肉日見消瘦。四肢無力。皮膚皺揭。肌肉間見
蒸。而熱病者不知。自以為勞傷血氣。通求調補。忽一日
唇裂舌破。至寺請診。余見其大肉已脫。渾身橘黃色。余對
病人曰。知此病之危篤乎。答曰不知。余曰。此消証也。病者
曰。消症多渴。獨小子不渴。何也。余答曰。消不在多飲多便。
凡于精神血氣。肌肉筋骨。皆謂之消也。足下病積在脾。乃
向消症也。速服三黃丸。以救自熱。計服月餘乃愈。

火門

君火

相火

虛火

實火

火鬱

劉宗厚曰。火之為病。其害甚大。其變甚速。其勢甚彰。其死
甚暴。蓋火燔灼。焚熖飛走。狂越逢物銷鑠。莫可禦者。謂其
遊行於三焦虛實之間。有君火相火。虛火實火。火鬱之別。
君火者。心火也。可以濕伏。可以水滅。或可以直折。惟黃連
皆火之變現為病。然藥之所主。亦各有其屬。烏可不辨。夫
君火者。心火也。可以濕伏。可以水滅。或可以直折。惟黃連
之屬。可以制之。相火者。龍火也。非水濕所可折。當從其性

而伏之。惟黃柏之屬。可以降之。瀉火之法。豈止此哉。虛實多端。不可不審。以臟氣司之。如黃連瀉心火。黃芩瀉肺火。芍藥瀉脾火。石膏瀉胃火。柴胡瀉肝火。知母瀉腎火。此皆苦寒之味。能瀉有餘之火。若飲食勞倦。內傷元氣。火不兩立。為陽虛之病。以甘溫之劑除之。如黃芪。人參。甘草之屬。若陰微。陽弦。相火熾盛。以乘陰位。為血虛之病。以甘寒之劑降之。如當歸。地黃之屬。若心火亢極。鬱熱內實。為陰強之病。以鹹冷之劑折降之。如大黃。朴硝之屬。如腎水受傷。真陰失守。無根之火也。為陰虛之病。以壯水之劑制之。如生地。玄參之屬。若右腎命門火衰。為陽脫之病。以溫熱之

劑濟之。如附子。厚桂之屬。若胃虛過食。冷物。抑遏陽氣。於脾土。為火鬱之病。以升發之劑發之。如升麻。乾葛。柴胡。防風之屬。不明諸此類。而求火之為病。施治何所據依。故於諸經約略其說。以備方之用。庶免實之虛。虛之禍也。按經所謂一水不能勝五火者。以人五臟各有火。無五志所誘。其火不動。若七情六欲。激之則其火隨起。蓋大怒則火起於肝。醉飽則火起於胃。房勞則火起於腎。悲哀則火起於肺。惟心為君主之官。其火一起。則金石俱焚矣。嗟。人生氣交之中。嗜慾之來。皆為喜怒哀樂所使。故人日為火所用。而不自知也。經云十分之來一分寒。固知火之為

病似多於寒也。偏於用熱者要識此意。

諸火約脉

火浮炎心肺則脉舉之浮大。而按之損小。如潛伏肝腎則脉按之洪數。而舉之虛細。故浮數無力為虛火。沉實有力為實火。洪數見於左寸為心火。見於右寸為肺火。見於左關為肝火。見於右關為胃火。兩尺為腎經命門之火。男子兩尺洪大者腎經命門之火盛也。熱病有火者可治。脈洪是也。無火者難治。脉微是也。

諸大約治

一火有所屬。藥有主治。黃連瀉心火。柴胡瀉肝火。黃連佐

之。柴胡瀉胆火。亦佐以黃連。白芍瀉脾火。石膏瀉胃火。知

母瀉腎火。黃柏瀉膀胱火。一曰瀉龍火。

一鬱火當看火在何經。不可直降。宜隨其性而升之。夫火飛騰之物。惟動盪升舉。始不失其本性。如鬱於脾土中。是失其常也。若以水濕寒劑治之。則愈滯其性。而火愈不得升。泄於外。經云。諸鬱則達之。主治者亦從其性。以達之可耳。

一人有虛火炎盛者。用生姜湯令溫。遲遲進之。使火性達於肌表。此為從治之法。若投冰水。正治之。立死。一實火可瀉。可降。小便降火最速。有降火真陰自長。有補

陰火邪自降。滋陰用六味地黃丸。加知柏之類。降火用三黃丸。加石羔之類。

一火盛者不可驟用涼藥。宜兼溫散以佐之。如左金丸治肝火暴急。脇下疼痛。用黃連六兩。吳茱萸一兩。謂佐肺金以伐肝木是也。

一火急宜緩之。夫緩非緩慢之緩。乃藥性甘緩之緩。如甘草。人參。白朮。黃芪。皆甘緩藥也。經云。甘能除大熱。東垣曰。火與元氣不兩立之物。參朮芪草以扶元氣。元氣生則火邪自滅也。

一火起有所從。從左邊起者屬肝火。從臍下起者屬陰火。從脚下起。熱至於腹者。此虛之極。酒之甚矣。蓋火起於九泉之下。必亡之道也。一法用附子末。津調塞湧泉穴。內用四物。加知母。黃柏。或龜板。更妙。所謂陰虛火動難治者。正言虛甚。補之不及也。

一氣有餘。即是火。此非謂元氣有餘。假如肝氣甚。則挾心火之勢。尅肺金。乘脾土。是即有餘之說也。舉其一端。其餘可類推矣。如元氣已足。則火從何而有哉。

一能食而熱。口舌乾燥。大便難者。實火也。以辛苦大寒之劑。下之。瀉熱補陰。經云。陽盛陰虛。下之則愈。脈洪盛而有

力者是也。

一不能食而熱。自汗氣短者。虛火也。以甘寒之劑。瀉熱補氣。經云。治熱以寒。溫而行之。脉虛弱無力者是也。

約方

加減涼膈散 退六經之火。減大黃芒硝。加桔梗甘草。一法加防風。同為舟楫。以膈與六經乃至高之分。此藥浮載亦至高之劑。故施於無形之中。隨高而清。去胃膈中六經之熱也。丹溪云。涼膈散。心。肺。肝。胃。藥也。

梔子仁 一兩五錢 芒硝 五錢 連翹 薄荷
甘草 各一兩五錢 大黃 五錢
右為粗末。每一兩水二鍾。竹葉七片同煎。至一鍾去渣。

入蜜少許。食後服。加姜煎。亦得去六經熱。減大黃芒硝。加桔梗甘草。人參防風。治肺經邪熱。咳嗽有痰。加半夏。涼膈與四物湯各半服。能益血洩熱。名雙和散。錢氏去連翹。加藿香石膏。為瀉黃散。

清涼飲 治大人小兒。五臟積熱。煩燥多渴。唇裂喉閉。目赤鼻頰結硬。口舌生瘡。陽明疔傷寒。發狂見鬼。謔語。大小便閉。一切風壅。並皆治之。

梔子仁 甘草 赤芍 各一兩
連翹 薄荷 淨葉 乾葛 各二兩
大黃 朴硝

右為散。每服二錢水一鍾。入竹葉七片。蜜三匙。同煎至

七分去渣食後服

黃連解毒湯 治大熱煩燥錯語不得眠

黃連三錢 黃柏二錢 梔子二錢 黃芩一錢

水二鍾煎一鍾溫服如熱未止再煎服

重鬱散 治上焦火熱煩燥不眠

山梔 大黃 鬱金 生甘草 一錢

水二鍾煎一鍾溫服

三黃丸 治男婦三焦積熱上焦有熱攻衝眼目赤腫頭

項腫痛口舌生瘡中焦有熱心膈煩燥飲食不美下焦

有熱小便赤澀大便秘結五臟俱熱即生癰癤瘡癩及

五癥痔疾糞門腫痛或吐鮮血皆治丹溪云此三焦藥也

淨黃連 黃芩去芦大黃各十兩

右為細末煉蜜為丸如梧桐子大每服三十九熟水吞

下視臟腑虛實加減服之小兒積熱亦宜服

麥門黃連湯 治心火傳肺口渴唇焦煩熱

麥門冬五錢 黃連三錢

水三鍾煎鍾半三次服火降為度

火府丹 治心小腸經火煩燥狂亂晝夜不安

黃芩一兩 黃連一兩 生地黃二兩 木通三兩

右為末煉蜜為丸如梧桐子大每服二三十丸臨卧溫

水下

批胡飲子 治一切肌膚蒸熱。寒熱往來。及傷寒發汗不解。或汗後餘熱勞復。或婦人經病不快。產後寒熱。並宜治之。

黃芩

甘草

大黃

白芍

批胡

人參

當歸各五錢

右咬咀姜三片煎溫服

益氣清火湯 治氣虛火鬱。汗出發熱。精神困怠。脈細而數。

黃芪

五分

白朮

一錢

人參

一錢

甘草

八分

批胡

六分

麥門

一錢

石膏

一錢

水二鍾煎八分溫服

滋陰清火湯 治血虛火燥。晝夜不眠。骨蒸潮熱。脈大而

虛。

生地

二錢

白芍

一錢

五分

川芎

一錢

當歸

一錢

五分

黃柏

一錢

知母

八分

地骨皮

八分

水二鍾煎一鍾溫服

補陰丸 治酒色過傷少陰腎經之症

黃柏

錢一兩

炒

五

黃芩

五錢

地黃

五錢

兩

酒煨

右為末煉蜜為丸每服三四丸熟水空心送下夏加砂

仁三錢五味五錢冬加黑乾姜三錢

滋腎丸 治腎水乾涸口渴湧上發熱

黃柏 二兩酒洗焙 知母 二兩酒洗焙 肉桂 二錢

右為末熟水丸如鷄頭大每服百丸加至二百丸白沸湯空心送下

加減地黄丸 治陰虛憔悴寢汗發熱五臟齊損瘦弱虛

煩腸澀下血骨蒸痿弱無力不能運動東垣云治脉沉而虛者

熟地黄 八兩 山茱萸 淨肉 山藥 各四兩 澤瀉 二兩

牡丹皮 二兩 白茯苓 三兩

右為細末煉蜜為丸如梧桐子大空心溫酒服五十丸

如吐血後陰虛火盛潮熱口乾加黃柏知母咳嗽潮熱

喉痛加玄參知母貝母百部骨蒸潮熱夢遺加蓮鬚芡

實知母枸杞地骨皮去澤瀉血虛發熱遍身疼痛加當

歸白芍秦艸苡仁腎氣不能生脾土虛腫加車前附子

陰血不足脉數肌熱發渴加麥冬五味子陰血損虛腹

痛氣滯加便製香附酒炒白芍此丸凡人脉數陰血不

足之人皆宜服至久愈妙

歸芪湯 治元氣大虛脉細發熱服涼藥愈甚此湯主之

黃芪 一兩蜜炙 當歸 三錢童便製

右水二鍾煎一鍾温服

柴胡升陽湯 治熱發如火燎火燒。捫之令人亦熱。四肢主屬脾。者土也。熱伏地中。此病多因血虛而得。又因胃虛。過食冷物。冰水無度。鬱遏陽氣於脾土之中。經曰火鬱則發之。此方是也。

升麻 葛根 獨活 羌活 各五錢 防風 二錢 五

生草 二錢 柴胡 五錢 炙草 二錢 人參 五錢 白芍 五錢

右以咀每服五錢水三大盞煎至一盞去渣稍熱服忌冷物冰水月餘

鬱火湯 治五心煩熱。是火鬱於地中。四肢土也。心火下

陷在脾土之中。故宜升發之。
丹溪云治手足心熱用東
達之意故
用風藥
此謂火鬱必

升麻 葛根 防風 炙甘草 柴胡根

白芍 各五錢

右以咀每服三四錢水二大盞入蓮鬚葱白三寸煎去渣温服

清肝解鬱湯 治肝氣遏鬱兩脇疼痛發熱証

柴胡 一錢 青皮 八分 白芍 一錢 茯苓 八分 黃連 一錢

香附 五分 甘草 三分 防風 五分

右水二鍾煎一鍾温服

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

扼連越鞠丸 治鬱火上冲目痛脇痛嘔吐諸症

黃連炒一兩 神曲炒五錢 梔子炒一兩 赤芍藥六錢

撫芎五錢 藿香三錢 粉草五錢 茯苓一兩

右研為末煉蜜為丸每服四十丸食遠白滾湯送下

左金丸 治兩脇疼痛不可忍者

黃連一兩炒 吳萸一錢泡

右研細末水跌為丸每服二錢食遠百滾湯送下

達火丸 治手心足心發熱極効

梔子一兩 香附五錢 蒼朮一兩 白芷

川芎 黃連各四錢

半夏各五錢

右為末煉蜜為丸百滾湯送下

諸血從火論

夫血者水穀之精也。故飲食入於胃。而胃氣平和。則不失生化之原。其血乃能榮養五臟。周流六腑。而行於脉也。故劉宗厚曰。血生化於脾。總統於心。藏受於肝。宣布於肺。施泄於腎。灌溉一身。目得之而能視。耳得之而能聽。手得之而能攝。掌得之而能握。足得之而能履。臟得之而能液。腑得之而能氣。是以血之出入升降。濡潤宣通者。皆繇脾胃使然也。蓋失血之症。五藏俱有之。然其受病之原。摠不離火邪而致。治血之法。非止一端。而其藥劑之宜。大抵近于

六淫分類
清涼為善。夫血之妄行。必隨氣動。經云氣有餘。即是火。氣降則火降。火降則氣不上升。而氣平則血無溢出。上竅之患矣。若降火不得其法。徒用寒涼。反傷胃氣。殊不知胃氣一傷。則脾不得統血而行。則血愈不得歸經矣。今之療血者。有二大患焉。一則不審虛實。專用寒涼。如芩連梔子青黛。知柏之類。以致脾氣漸敗。而變脾泄不救者。一則不知寒熱。妄用溫燥。如黑薑炒桂荊芥香附人參之類。遂使肺氣漸痿。而成咳逆難調者。良可嘆也。且病各有所屬。而治亦審所因。有因好食厚味嗜飲火酒積熱吐血者。此屬脾胃之血症。法當專清理脾胃是也。有勞倦傷脾。思慮傷心。而心火內鬱。發為吐血者。此屬心脾之血症。法當清心火。理脾氣是也。有因脾胃積熱。上蒸於肺。致肺氣壅滯。變為咳血者。此屬肺脾之血症。法當清脾胃。保肺金是也。有脾胃素虛。積怒傷肝。致肝火過鬱。發為嘔血者。此屬肝脾之血症。法當平肝氣。調脾胃是也。有醉飽行房。真陰耗散。致陰火上衝。遂成咯血者。此為內損之症。法當滋補腎水。調和脾胃。使真陰漸生。而虛火漸降可也。更有先吐血而後咳痰者。是肺胃火邪未清。其血雖止。而痰被火所阻。不得下降。乃痰因血枯而生。法宜清火養血。而痰自降矣。有先咳痰而後吐血者。是痰鬱生熱。而熱邪動血。乃血因痰熱

而動。法宜清降痰火。而血自止矣。蓋血症多端。除跌仆墜
閃。及六淫所感之外。即衄血。溺血。便血。諸症。雖各有所屬。
則其所致。皆為起居不常。飲食不節。以酒為漿。妄作動勞。
先傷脾胃。而後他臟因之而病也。余故曰。血之為病。五藏
六腑。無不有之。而其受病之原。總不離脾胃者也。夫脾屬
太陰經。真陰從此生焉。世所謂治血必補真陰。而補陰不
顧脾胃。豈善治陰虛者乎。陰虛之症。無驟補之法。非多服
藥。不能取效。病家欲速其功。醫者張皇無主。百藥雜投。以
致殞命。寔輟相尋而不悟。悲夫。

諸血約脈

失血之症。非止一端。所見之脈。亦非止一花。夫血為心火
而至者。其脈必洪而數。為肝火而至者。其脈必弦而急。為
肺熱而至者。其脈必浮而芤。為胃火而至者。其脈必長而
大。為脾積熱而至者。其脈必實而數。為腎火而至者。其脈
必沈而數。如此諸脈。皆可驗其血症之所屬。一花脈豈能
盡之耶。又云失血之脈。宜沉細而不宜浮大。此言其脈體
之大畧。非一定之言也。然有一定之言者。不在脈之大小。
而在有胃氣無胃氣而已。夫胃氣即元氣。神氣之別名。故
經曰。血者神氣也。脈中神氣在則存。神氣失則亡。所以注
往失血之人。亦有脈浮大而生者。亦有脈沉細而死者。是

可驗也。或失血過多。而脉反大者。此謂病長。乃逆脉也。餘當診胃氣。以決其生死可耳。

諸血約治

一血宜行。不宜止。夫血不循經絡者。氣逆上壅也。夫血得熱則行。得寒則凝。故降氣行血。則血循經絡。不求止而自止矣。止之則血凝。血凝必發熱。惡食。及胸脇作痛。而病日沉痼矣。

一衄血。吐血。齒舌上出血。如血初至。其勢湧甚。切勿用犀角。地黃。芩。連。知。柏。等。止之。宜用童便。少入薑汁。調勻。徐與服。俟血勢稍緩。診脉屬何臟腑。隨症投劑。自無後患。夫

童便降火。亦滋真陰。止血。亦消積滯也。

一吐血。咯血。嘔血。衄血。溺血。便血。其名色雖異。而其治大抵當從於火。世有妄言血屬於寒者。悞甚也。余諸戒勿用寒涼者。謂其病有深淺。胃有虛實不同耳。然亦有服溫藥而愈者。其血不繇陰虛火熾所致。其百人中。或僅有一二。豈可槩而為例耶。

一血虛宜補。夫血虛則發熱。此既從虛治。宜甘寒甘平酸寒酸溫。以益榮血。其藥為熟地黃。白芍藥。牛膝。炙草。酸棗仁。龍眼肉。甘枸杞子。甘菊花。人乳之屬。

一血熱宜清。夫血熱則為癰腫。為鼻衄。為齒衄。為牙齦腫。

為舌上出血。為舌腫。為血崩。為赤淋。為月事先期。為熱入
血室。為赤遊丹。為眼暴赤痛。法宜酸寒苦寒鹹寒辛涼。以
除寔熱。其藥為童便牡丹皮赤芍藥生地黃黃芩犀角地
榆大小蘇茜草黃連山梔大黃青黛天門冬玄參荆芥之
屬
一血瘀宜通。夫積瘀必發熱發黃。作痛作腫。及作結塊癥
積。法宜辛溫辛熱辛平辛寒甘溫。以入血通行。佐以鹹寒。
乃可軟堅。其藥為當歸紅花桃仁蘇木桂五靈脂蒲黃薑
黃鬱金三稜延胡索乾漆自然銅韭汁童便大黃芒硝之
屬。蓋血為榮。陰也。有形可見。有色可察。有証可審。病既不

同。藥亦各異。治之之法。要在合宜。倘失其宜。為厲不淺。差
劇之間。可不謹乎。

諸血約方

二黃補血湯

治脾胃積熱。口舌生瘡。而血初至。及血多

者宜服

生地黃 二錢 黃連 一分 錢五 白芍藥 二錢 枳殼 五分

生甘草 七分 熟大黃 一錢 桃仁 六分

右水二鍾煎一鍾。不拘溫服。血不止。加生蒲黃一錢。丹
皮八分。如虛去大黃。桃仁加山梔赤芍。

犀角地黃湯

治熱鬱肝肺。其血隨氣湧泄。或溝道閉塞。

流入於胃而吐清血者宜服

犀角錢鑄二錢生地黃三錢白芍藥二錢丹皮二錢

黃連分一錢五

右水二鍾煎一鍾溫服

止血立應散 治飲酒過度心火乘脾便閉發熱胸膈作

痛喉舌乾燥宜服

大黃五錢酒青黛二錢煅灰五分黑梔子三錢

丹皮二錢

右為細末每服二錢五分用童便和百滾湯調服脾胃

虛者忌之

清火解毒湯 治陽明胃經積熱吐血衄血等症

乾葛二錢赤芍藥二錢生地黃四錢丹皮二錢

黃連分一錢五柴胡一錢山梔子二錢甘草一錢

連翹分一錢五升麻一錢黃芩二錢

右水三鍾姜一片煎鍾半作二次食遠服胃虛不宜

歸芍參麥湯 治酒色過度真陰不足而吐血者宜服

當歸分一錢五白芍藥二錢人參八分麥門冬分一錢五

丹皮一錢甘草五分黃連一錢茯神分一錢五

右水二鍾煎一鍾溫服

四生丸 治吐血衄血陽盛於陰血熱妄行

生薄荷二兩 生艾葉一兩五錢 生側柏二兩 生地黄二兩五錢

右研爛蜜為如鷄子大每服一九水三鍾煎一鍾濾過

温服

雙荷散 聖惠方 治卒暴吐血

大藕節七箇 荷葉頂七箇

右同蜜搗細水二鍾煎八分去滓温服或研末蜜調下

荆芥散 治外感風邪鬱久吐血宜服

荆芥穗五錢 甘草一兩 桔梗二兩

右水二鍾薑一片煎一鍾食遠服

茯苓補心湯 治思慮傷心氣虛耗不能藏血以致面

色黃黑而吐血者宜服

茯苓一錢 人參一錢 枳殼五分 陳皮六分 當歸一錢

熟地一分 一錢 五 栢子仁一錢 甘草一分 桔梗五分

白芍一錢

右水二鍾薑一片棗一枚煎八分温服

歸脾湯 治思慮傷脾不能統攝心血以致妄行或吐血

下血皆宜服之方見內傷

麥門冬飲子 拔粹方 治脾胃虛弱氣促氣弱精神短少

血吐血

人參二錢 五味十五粒 紫苑一錢 黃芪一錢 芍藥一錢

甘草六分 麥門冬二錢 當歸一分 錢五

右水二鍾煎一鍾食遠服

加減養榮湯 治見血後脾胃弱精神少而血不止者宜

服

人參一錢 黃芪二錢 五味十三粒 芍藥 甘草五分

當歸五分 麥門冬五分

右水二鍾煎一鍾不拘服如不止再服

側柏散

治內損吐血因酒太過勞傷於內血氣妄行其

出如湧泉口鼻皆流須臾不救服此即安又治男子婦

人九竅出血

側柏葉錢一兩五分 人參兩去芦一分 荆芥穗一分 兩燒

右為末每服三錢入飛羅麩三錢拌和汲水調糊相似

啜服

枇杷黃連湯 治內損脾胃陰火上衝嘔血者宜服

枇杷葉一錢 黃連一分 錢五分 茯苓八分 甘草六分

白芍一分 錢五分 丹皮八分 桔梗四分

右水二鍾煎八分不拘服

生地保命散 治勞傷心肺積火嘔血者宜服

生地黄八兩 酒浸薑 丹皮三兩 酒洗 茯苓神二兩

甘草一兩 蒲黃二兩 炒

右為末每服三錢食遠童便和百滾湯調下

芩連薏苡湯 治飲食傷脾胃熱嘔血者宜服

黃芩一錢 黃連一錢 薏苡二錢 當歸一錢 白芍藥一錢

茯苓八分 甘草五分

右水二鍾煎一鍾不拘服

藿香地黃湯 治脾胃熱痰致血嘔唾不止者宜服

藿香一錢 生地黃二錢 麥門冬一錢 竹茹五分

黃連一分 錢五分 半夏麩一錢 甘草五分 茯苓一錢

右水二鍾煎一鍾溫服

補陰止血湯 治勞心思慮損傷精神驚悸煩熱不時嘔

血者宜服

當歸一錢 白芍藥一錢五分 生地黃一錢 麥門冬一錢

人參八分 棗仁炒一錢 茯苓神八分 甘草五分 遠志四分

栢子仁一錢

右水二鍾煎一鍾不拘服

百合貝母湯 治內傷咳嗽先咳痰而後見血者宜服

百合一錢 貝母一錢 枇杷葉五分 紫苑八分 黃芩一錢

甘草五分 茯苓八分 枳殼四分 白芍藥一錢 桔梗三分

右水二鍾煎一鍾不拘服

芍藥門冬湯 治內傷先見血而後咳痰者宜服

白芍藥 天門冬 各二錢 茯苓 一錢 生地黃 二錢

甘草 五分 丹參 一錢 當歸 八分 桑白皮 六分

右水二鍾煎一鍾不拘溫服

黃連阿膠丸 治內傷血枯咳嗽聲啞喉痛者宜服

黃連 炒一兩 酒 阿膠 一兩 五錢 蒲 茯苓 一兩 人參 五錢 去

麥門冬 微炒一兩 去心

右研為末煉蜜為丸每服三錢百滾湯送下

天麥二冬膏 治內傷咳嗽痰中帶血

瓊玉膏 治吐血後肺氣虛弱咳嗽不止見燥門

二母止血湯 治內損痰火酒色過度致傷肺腎咳唾痰

血不止者宜服

知母 貝母 生地 各二錢 甘草 一錢 黃柏 一錢 五

茯苓 一錢 石棗 一錢 五分 白芍 一錢

右水二鍾煎一鍾不拘服胃虛加人參五分骨蒸熱加

地骨皮八分嗽甚加桑白皮八分肺虛加阿膠一錢

河澗生地湯 治鬱熱於肺鼻衄者宜服

枸杞 一錢 柴胡 六分 黃連 一錢 地骨皮 天門冬

白芍 各八分 甘草 五分 黃芩 黃芪 各八分 生地黃

熟地黃 各一錢

右水二鍾煎一鍾不拘服

六 治鼻衄不止者

茜根 阿膠 蒲黃 炒黃芩 各一兩 側柏葉 一兩

生地黄 一兩 甘草 五錢

右研末 每服三錢 童便和百滾湯調服

黃芩芍藥湯 治肺脾積熱鼻衄不止

黃芩 三錢 芍藥 三錢 甘草 二錢

右水二鍾煎一鍾溫服

乾葛防風湯 治內熱夾風變為鼻衄

乾葛 二錢 防風 一錢 桔梗 五分 白芍 一錢 甘草 五分

玄參 八分 麥門冬 一錢

右水二鍾煎一鍾食遠服

止衄散 治鼻衄不止

黃芪 五分 赤茯苓 二錢 白芍藥 二錢 當歸 一分 錢五

生地黄 二錢 阿膠 二錢

右為末 每服二錢 食遠童便和百滾湯調下

芎黃湯 治風熱鬱腦見痰飲

清肺飲 治上熱鼻衄

黃芩 二錢 玄參 一錢 生地黄 二錢 麥門冬 一錢

甘草 五分 桔梗 六分

右水二鍾煎一鍾食遠服

三白人參湯 治肺虛鼻衄

白芍藥二錢 白朮一分 錢五 白茯苓一錢 人參八分

麥門冬一錢 甘草六分 桑白皮一錢

右水二鍾煎一鍾食遠溫服

參麥飲 見傷門 天門冬膏 見燥門

山梔子散 治鼻衄不止

山梔子不拘多少燒灰為末少許吹入鼻中即止不止

再吹

黃連散 治大人小兒盛熱乘於血。血隨熱氣散溢於鼻

者。謂之鼻衄。凡血得寒則凝澀結聚。得熱則流散妄行。

黃連二錢 黃芩二錢 柏葉一分 錢五 甘草一錢 豉粒二升

水二鍾煎一鍾食遠服

當歸承氣湯 治尿血積熱脾胃大便閉結者

當歸一錢 厚朴五分 枳實八分 大黃一錢 芒硝八分

生地黃一分 錢五 丹皮八分

水二鍾煎一鍾食前服

當歸琥珀散 治心小腸積熱小便出血

當歸一兩 赤茯苓六錢 琥珀碎三錢

右為末每服二錢燈心薄荷湯調下

梔子木通湯 治小腸結熱膀胱癱閉小便尿血

山梔子二錢 黃連一錢 木通一錢 赤芍藥一錢
生地二錢 丹皮一錢

右水二鍾煎一鍾食前服

羚羊當歸湯 治男婦小便出血肝經鬱熱

羚羊角剉碎一錢 當歸分一錢 赤芍藥一錢 生地分一錢 五

銀柴胡六分 生甘草四分 黑梔子一錢

右水二鍾煎八分食前服

故子蒲黃散 治腎虛尿血

補骨脂湯泡去辛味 蒲黃炒五錢 牡蠣灰三錢

右研末每服二錢空心溫酒調下此治虛脫之症乃塞

劑也

鹿角膠丸 治房屋勞傷小便尿血

鹿角膠五錢 沒藥研二錢另 柏子仁油五錢去 茯神五錢

牛膝三錢 熟地黄五錢 淮山藥五錢

右為末煉蜜為丸每服三錢百滾湯送下

加味地黄丸 見火門 瓊玉膏 見燥門

黃連香茹飲 治腸胃積熱或胃暑氣

黃連二錢 香薷一錢 茯苓一錢 扁豆一分 錢五 甘草七分

黃芪一錢 黃芩一錢 人參一錢 厚朴八分

水二鍾煎一鍾食前服

槐花散 治腸胃有濕脹滿下血

蒼朮 厚朴 陳皮 當歸 枳殼 各一兩

槐花 二兩 甘草 五錢 烏梅肉 八錢

右研末每服三錢百滾湯調食前服

升麻和血湯 治腸癖下血作派其血唧出有力而遠射
四散或腹中作痛此陽明氣上衝熱毒所作也當去濕
毒和血而愈。

生地 二錢 牡丹皮 甘草 黃芪 當歸 各一

熟地 一錢 白芍藥 一錢 升麻 八分 陳皮 五分

蒼朮 四分 秦艽 五分 肉桂 二分

右水二鍾煎一鍾食前服

當歸和血湯 治腸癖下血濕毒下血

槐花 二錢 青皮 一錢 當歸身 一錢 升麻 一錢 白朮 六分

荆芥穗 五分 熟地黃 一錢 川芎 四分 甘草 四分

水二鍾煎一鍾食前服

香連丸 治下血似痢 芍藥湯 治大便膿血 積俱見痢

補中益氣湯 治勞倦下血見內傷

歸脾湯 治心脾虛勞下血見內傷

芍藥黃連湯 治大便後下血腹中痛謂之熱毒下血

芍藥 二錢 黃連 二錢 當歸 一錢 淡桂 二分 甘草 五分

大黃 一錢

右水二鍾煎至一鍾服如痛甚調木香檳榔末一錢服黃連阿膠丸 治飲酒過多下血不止

黃連 二兩 赤茯苓 阿膠 兩炒各一

右用黃連茯苓為末調阿膠象手丸每三十九食後米飲下

涼血地黄湯 如飲食不節起居不時者陰受之陰受之

則入五臟入五臟則填滿閉塞下為冷泄久為腸癖者

水穀與血另作一派啣出也時令值夏濕熱大盛正當

客氣勝而主氣弱也故腸癖之証甚以此藥主之

熟地黄 一錢 當歸 一錢 青皮 五分 槐花 錢炒一 知母 分炒八

黃柏 分炒八 右水二鍾煎一鍾溫服如小便澀臍下悶或大便後重

調木香檳榔末各五分稍熱空心服或食前服如裏急

後重又不去者當下之如有傳變隨証加減

竹茹湯 治婦人汗血吐血尿血下血

竹茹 一錢 熟地黄 二錢 人參 八分 白芍藥 一錢

桔梗 六分 川芎 五分 當歸 八分 炙甘草 五分 桂心 三分

右水二鍾煎一鍾食後通口服

剪紅丸 治臟腑虛寒下血不止面色痿黃日久羸瘦

六淫分類 治臟腑虛寒下血不止面色痿黃日久羸瘦

側栢葉炒黃鹿角

火去毛醋煮

附子

炮去皮

川續斷

酒浸

黃芪

阿膠蛤粉炒

白礬枯

五錢

當歸

去芦酒浸各

右為末醋煮米糊丸如桐子大每服七十九空心米飲下

經驗醫按

戊寅芝山寺施醫一人吐血服犀角地黃湯不止繼服止血立應散其血愈甚身如火矣煩燥不眠飲食即吐至寺求治余診其脉洪大而無倫次按之豁然而空謂其父曰此非胃火實症乃榮氣虛極之候也夫榮氣亦胃氣之別名若胃實內有積熱服地黃湯立應散自然相宜今服之

病反見增者似胃虛不能受也法當用獨參湯急補胃氣耐方云血隨氣亂必隨氣定人參能定胃氣胃氣定則血自止矣其父曰家清奈何余思歸芪湯以代之服三劑而血止五劑而諸症悉退但脉按之尚空行動氣喘汗出如雨復用六味地黃丸倍加黃芪當歸麥門服一月而愈一婦人因惱怒吐血服清火解毒湯其血愈甚改用犀角地黃湯而大小便鼻俱有血出人事昏亂尋衣撮空惟有一氣呼吸而已召余診視余診其脉有八至餘即謂其病曰此症胃氣大敗致血亂崩急用獨參湯救之稍遲則不能挽回也病家見服涼藥反增遂取人參一兩煎服其血

六淫分數
四卷二
仍然不止。傍人有曰。諸血症皆屬于火。曾未見用人參止血者。余爭曰。藥未足耳。仍用人參一兩。加熟附子五分。其血立止。精神亦頓復。此素無陰虛火盛之症。乃偶遇大怒吐血。因誤服清火破氣等藥。遂致陽氣耗散。故用純陽之劑救之。若陰虛誤用參附。則禍不旋踵。學者當細審之。凡疑似之間。不可輕易用參附。

一人五十歲吐血發熱。服止血諸湯無一應效。患此症月餘。召余診視。余見其形色羸瘦。心脾二脉數而無神。謂此症是勞倦傷神。飲食傷脾所致。主服歸脾湯而補心脾。以脾氣運。則能統血歸經。病者不信。仍用清涼降火等劑。忽

一日氣喘唾血愈甚。復至求治。余仍主服歸脾湯乃愈。前任海道尊施四民宗師。每為政事勞心。飢飽失時。即發吐血。服諸藥不驗。惟服歸脾湯即止。凡勞倦傷神。飢飽傷脾。吐血者。惟歸脾湯累試累驗也。

一友姓鄭。肝氣素旺。易發惱怒。復好飲酒嗜食煎炒。忽一日牙肉腫痛。流血不止。一醫用犀角地黃湯不止。改用三黃湯。清火解毒湯。其血愈甚。患此症旬日不止。倉皇無措。召余診視。余見其脉六部洪大。寸口急數。有七至餘。謂其病者曰。此陽明胃積熱症無疑。但火勢已甚。恐不能直拆。仍用前三黃湯。合地黃湯。少加炒黑肉桂從治。則其火必

下降也。服二劑。其血立止。凡火症正治反增。必須從其性以治之。此乃先賢之秘方也。

一友患鼻衄。服地黄湯。茜根散。止衄散無效。召余診視。余見其肺胃二脉。舉之浮數。按之損小。謂此症乃虛火。非實火也。主服參麥飲。而血止。繼服三白人參湯。全愈。


又一友患鼻衄。服地黄湯不止。改服梔子散。遂發嘔吐昏眩。召余診視。余見其脉。肺部浮數而大。謂病者曰。此乃風鬱於腦。而至鼻中流血。非肺熱作病。不宜用寒涼傷胃。主服乾葛防風湯。二劑而愈。

一人小便出血。經年不愈。到芝山寺求治。余診其脉。虛數

無神。問其前服何藥。荅曰。百色涼藥。皆已嘗試。余曰。今腎氣虛敗。將為脫症。法當溫理。不宜再用寒涼。遂與故子蒲黃散服。五早血止。繼服八味丸。二斤乃痊。

一人忽然癲狂。如喪神守。小便出血。滋陰降火之劑。愈服愈劇。召余診視。見其面色。目下青黑。左寸心脉浮滑。右寸肺脉浮洪。遂用滾痰丸。九錢。分三日與服。計下宿痰斗許。癲狂立止。惟小便血尚存。繼用四物湯。加二陳竹瀝。膽星之類。服一月而血止。二月而全愈。此心包絡熱痰為病。非小腸膀胱本經積熱也。

一、漢... 二、... 三、... 四、... 五、... 六、... 七、... 八、... 九、... 十、... 十一、... 十二、... 十三、... 十四、... 十五、... 十六、... 十七、... 十八、... 十九、... 二十、... 二十一、... 二十二、... 二十三、... 二十四、... 二十五、... 二十六、... 二十七、... 二十八、... 二十九、... 三十、... 三十一、... 三十二、... 三十三、... 三十四、... 三十五、... 三十六、... 三十七、... 三十八、... 三十九、... 四十、... 四十一、... 四十二、... 四十三、... 四十四、... 四十五、... 四十六、... 四十七、... 四十八、... 四十九、... 五十、... 五十一、... 五十二、... 五十三、... 五十四、... 五十五、... 五十六、... 五十七、... 五十八、... 五十九、... 六十、... 六十一、... 六十二、... 六十三、... 六十四、... 六十五、... 六十六、... 六十七、... 六十八、... 六十九、... 七十、... 七十一、... 七十二、... 七十三、... 七十四、... 七十五、... 七十六、... 七十七、... 七十八、... 七十九、... 八十、... 八十一、... 八十二、... 八十三、... 八十四、... 八十五、... 八十六、... 八十七、... 八十八、... 八十九、... 九十、... 九十一、... 九十二、... 九十三、... 九十四、... 九十五、... 九十六、... 九十七、... 九十八、... 九十九、... 一百、...



程